

特32

277

東 京 圖 書 館

漢書門

雜史類

函

六二架

七號

四冊

十八史略

片假名附

二

十八史略卷之三

漢土 廬陵 曾先之編次

日本 大阪 白井秀達訓點



世祖漢高祖此武皇帝名秀字文叔長沙定王蒞之後也景帝生發發生春

陵節侯買侯再三世徙封以南陽白水鄉為春陵宗族往家焉買少

子外外生回回生南頓令欽欽生秀於南頓有嘉禾一莖九穗之瑞

故名先是有望氣者望春陵曰氣佳哉鬱鬱葱葱然王莽改貨曰貨

泉人以其字為白水真人秀竟從白水起隆準日角受尚書通木義

嘗過蔡少公少公學圖讖言劉秀當為天子或曰國師公劉秀乎秀

戲曰何由知非僕邪及新市平林兵起南陽騷動宛人李通迎秀起

兵秀兄續字伯升慷慨有大節常憤憤欲復社稷平居不事家人生業傾身破產交結天下雄俊至是乃遣親客發諸縣兵續自發春陵子弟皆恐懼曰伯升殺我及見秀絳衣大冠驚曰謹厚者亦復為之乃自安部署賓客招說諸帥新市平林下江兵皆來會兵多無所統一欲立劉氏從人望下江將王常欲立續新市平林將帥憚其威明遂立更始以續為大司徒秀為將軍秀徇昆陽定陵鄧皆下之莽遣王邑王尋大發兵平山東以長人巨無霸為壘尉驅虎豹犀象之屬以助兵勢號百餘萬旌旗千里不絕諸將見兵威皆走入昆陽欲散去秀至鄧定陵悉發諸營兵自將步騎千餘為前鋒尋邑遣兵數千合戰秀奔之斬首數十級諸將曰劉將軍平生見小敵怯今見大敵勇甚可怪也尋邑兵却諸部共乘之連勝遂前無不一當百秀與

敢死者三千人衝其中堅尋邑陣亂漢兵乘銳崩之遂殺尋昆陽城中守者亦鼓譟出中外合勢呼聲動天地莽兵大潰走者相踐伏尸百餘里會大雷風屋瓦皆飛雨下如注虎豹皆股戰溺死淫川者萬數關中聞之震恐海內豪傑響應皆殺莽牧守自稱將軍用漢年号旬月偏天下續兄弟威名日盛更始殺續秀不敢服喪飲食言笑惟枕席有涕泣慶更始愬拜秀大將軍封武信侯未幾以秀行大司馬事遣徇河北所過除莽苛政南陽鄧禹杖策追秀及於鄴秀曰我得專封拜生速來寧欲仕乎禹曰不願也但願明公威德加於四海禹得效其尺寸垂功名於竹帛耳更始常才帝王大業非所任明公莫如延攬英雄務悅民心立高祖之業救萬民之命天下不足定也秀大悅令禹常宿止於中與定計議邯鄲卜者王郎詐稱成帝子子與

入邯鄲稱帝。徇下幽冀州。郡響應。秀北徇薊。上谷太守耿况子弇  
至盧奴。上謁秀曰：是我北道主人也。薊城反應。王郎秀趣出城。晨夜  
南馳。至蕪葦亭。馮異上豆粥。至饒陽。乏食。至下曲陽。聞王郎兵在後。至  
潯沱河。候吏還白。河水流澌。無船不可濟。秀使王霸視之。霸恐驚衆  
還。即詭曰：水堅可渡。遂前。至河水亦合。乃渡。未畢。數騎而冰解。至南  
宮。遇大風雨。入道傍空舍。馮異抱薪。鄧禹爇火。秀對竈燎衣。異復進  
麥飯。至下博城。西惶惑。不知所之。有白衣老人指曰：努力。信都為長  
安城守。去此八十里。秀即馳赴之。時郡縣皆已降。王郎獨信都太守  
任光。和戎太守邳彤不肯。光出聞秀至。大喜。彤亦來會。發旁縣得精  
兵。移檄討王郎。郡縣還復響應。秀引兵拔廣阿。披輿地圖。指示鄧禹  
曰：天下郡縣如是。今始得其一。子前言不足定何也。禹曰：方今海內

敬亂人。思明君猶赤子。慕慈母。古之興者在德。厚薄不在大小也。耿  
弇以上谷漁陽兵。行定郡縣。會秀於廣阿。進拔邯鄲。斬王郎。得吏民  
輿。郎交書數千章。秀會諸將。燒之曰：令反側子自安。秀部分吏卒。皆  
言願屬大樹將軍。謂馮異也。為人謙退。不伐。諸將每論功。異常獨屏  
樹下。故有此說。更始遣使立秀為蕭王。令罷兵。耿弇說王辭以河北  
未平。不就。徵王擊銅馬諸賊。悉破降之。諸將未信。降者降者亦不自  
安。王敕各歸營。勒兵。自乘輕騎。案行諸部。降者相語曰：蕭王推赤心  
置人腹中。安得不效死乎。悉以分配諸將。南徇河內。赤眉西攻長安。  
王遣將軍鄧禹等兵入關。禹薦寇恂。文武備具。有牧民御衆之才。使  
守河內。王自引兵徇燕趙。擊尤。未大捷。等諸賊盡破之。王還至中山。  
諸將上尊號。不許。至南平棘。固請又不許。耿純曰：士大夫捐親戚棄

土壞從大王於矢石之間固望攀龍鱗附鳳翼以成其所志耳今留  
 時逆眾恐望絕計窮則有去歸之思大家一散難可復合馮異亦言  
 且從眾議會儒生強輩自關中奉赤伏符來曰劉秀發兵捕不道四  
 夷雲集龍圖野四七之際火為主群臣因復請乃即皇帝位于鄴南  
 改元建武○赤眉樊崇等立宗室劉盆子為帝年十五時在軍中主  
 牧羊被髮徒跣敝衣赭汗見眾拜恐畏欲帝○賊入長安更始走帝  
 下詔封為淮陽王○宛人卓茂嘗為密令教化大行道不拾遺上即  
 位先訪求茂以為太傅封褒德侯○車駕入洛陽遂都之○關中未  
 定鄧禹引眾而西號百萬所至傳車駐節勞來百姓垂髻戴白滿車  
 下名震關西至栒邑久不進兵赤眉大掠而出禹乃入長安赤眉復  
 入禹戰不利走徵還京師遣馮異入關禹漸無功要異共攻赤眉大

戰於回溪敗績收散卒堅壁已而大破赤眉於峭底至書勞異曰始  
 雖垂翅回溪終能奮翼涸池可謂失之東隅收之桑榆赤眉餘眾東  
 向宜陽上勸軍待之樊崇以劉盆子丞相徐宣等肉袒降上陳軍馬  
 令盆子君臣觀之謂曰得無悔降乎宣叩頭曰去虎口歸慈母誠歡  
 誠喜無限上曰卿所謂鐵中錚錚庸中佼佼者也各賜田宅○睢陽  
 人斬劉永降劉永在更始時立為梁王更始亡永稱帝至是敗○漁  
 陽太守彭寵奴斬寵以降初上討王郎寵發突騎轉糧不絕自負其  
 功意望甚高不能滿幽州牧朱浮與書曰遠東有豕生子白頭將獻  
 之道遇群豕皆白以子之功論於朝廷遠東豕也上徵寵寵自疑遂反  
 至是敗○劉永所立齊王張步降上初以步為東萊太守已而受永  
 命王齊將軍耿弇屢戰大破之拔祝阿齊南臨菑車駕至臨菑勞軍

謂余曰將軍前在南陽建大策嘗以為落落難合有志者事竟成也  
 步敗齊地悉平○將軍吳漢等擊斬劉永所立海西王董憲及叛將  
 龐萌等江淮山東悉平時惟隗囂公孫述未平上積苦兵間謂諸將  
 曰且當置此兩子於度外耳○馮異自長安入朝上謂公卿曰是我  
 起兵時主簿也為吾披荊棘定關中詔勞異曰倉卒蕪葦亭豆粥澤  
 沱河麥飯厚意久不報○建武八年上自將征隗囂潁川盜起上還  
 謂執金吾扈恂曰潁川迫近京師獨卿能平之耳從九卿復出可也  
 恂勸上親征賊悉降恂竟不拜郡百姓遮道曰願借馭君一年乃留  
 恂鎮撫大軍不戰而還○建武九年隗囂死囂自更始初年起兵至  
 建武初據天水自稱西州上將軍後嘗遣馬援往成都觀公孫述援  
 與述舊謂當握手歡如平生時述已稱帝四年矣援既至威陳陸衛

以延援援謂其屬曰天下雌雄未定公孫不吐哺迎國士及修飾邊  
 幅如偶人形此何足久替天下士乎因辭歸謂囂曰子陽并底蛙耳  
 而妄自尊大不如專意東方囂乃使援奉書雒陽初到良久即引入  
 上自殿廡下岸幘迎笑曰卿遠遊二帝間今見卿使人大慚援頓首  
 曰當今非但君擇臣臣亦擇君臣與公孫述同縣少相善臣前至蜀  
 述陸載而後進臣今遠來陛下何知非刺客姦人而簡易若是帝  
 笑曰卿非刺客顧說客耳援曰天下反覆盜名字者不可勝數今見  
 陛下恢廓大度同符高祖乃知帝王自有真也援歸囂問東方事援  
 曰上才明勇略非人敵也且開心見誠無所隱伏闕達多大節畧高  
 祖同經學博覽政事文辨前世無比囂曰卿謂何如高帝援曰不如  
 也高帝無可無不可今上好吏事動如法度又不喜飲酒囂不擇曰

如卿言反復勝乎。遣子入侍。未幾反復嘗問班彪以戰國從橫之事。彪作王命論諷之。竊不聽。馬援諸行在上。復使游說。仍自賜書。竊竟臣於公孫述。述立竊為朔寧王。上征竊馬援在上。前聚米為山谷。指畫形勢。開示軍所從徑道。上曰。虜在吾目中矣。遂進軍。竊奔西城。病餓。志憤而卒。子純降。隴右悉平。○十二年。公孫述亡。述茂陵人。自更始時。據蜀稱帝。國號成。上既平隴右。曰。人苦不自足。既得隴復望蜀。遣大司馬吳漢等將兵會征南大將軍岑彭伐蜀。彭在荆門。裝戰船。漢欲罷之。彭不可。上報彭曰。大司馬習用步騎。不曉水戰。荆門之事。一惟任南公為重而已。彭戰船並進。所向無前。述使盜刺殺彭。吳漢繼進。至成都。擊殺述。蜀地悉平。○涼州牧竇融率河西武威張掖酒泉敦煌金城五郡太守入朝。融自建武初據河西。後遣使奉書上。

以為牧賜書曰。議者必有任竇教尉佗制七郡之計。書至河西。皆驚以為天子明見萬里之外。上征隗融。率五郡兵與大軍會。蜀平。奉詔歸朝。拜冀州牧。○十八年。代王盧芳死於匈奴。芳安定人。詐稱武帝曾孫劉文伯。自建武初據安定。匈奴迎之。立為漢帝。數為邊郡寇患。後來降王于代。復反奔匈奴。以病死。○二十二年。匈奴求和親。上遣使許之。自呼韓邪單于死。于成帝時。其後累世皆仕漢。平帝時。王莽領條於匈奴。謂中國無二名。諷單于改名莽。冀漢易漢。所賜單于金曰章。單于怨恨。數寇邊。建武以來。匈奴助盧芳寇漢。後又數與烏桓鮮卑連兵入寇。至是始請和。○西域請都護。不許。遂附於匈奴。先是。莎車王賢。鄯善王安。皆遣使奉獻。賢使再至上。賜賢都護印綬。邊郡守上言不可。假以木權。詔收還。更賜大將軍印。賢恨。猶詐稱木

都護諸國悉腹屬賢賢驕橫欲兼并西域諸國懼凡十八國遣子入侍願得漢都護上厚賜遣還其侍子至是復請上復却之○二十四年匈奴南邊八部立日逐王比為南單于款漢塞內附於是分為南北匈奴○二十五年朔人鮮卑烏桓並入朝○二十六年立南單于庭置使匈奴中郎將以領之徙南單于居西河美稷○二十七年北匈奴亦遣使求和親明年又請許之○中元二年上崩上起兵時年二十八即位年三十一第五倫每讀詔書歎曰此聖主也一見決矣手書賜方國下札十行細書成文明慎政體總攬權綱量時度力舉無過事嘗幸南陽置酒會宗室諸母相與語曰文叔平日與人不款曲惟直柔耳乃能如此上聞之笑曰吾理天下亦欲以柔道行之上在兵間久厭武事蜀平後非發急未嘗言軍旅北匈奴衰因減宮馬

武上書請攻滅之鳴劍抵掌馳志於伊吾之北矣上報書告以黃石公包桑記曰柔能勝剛弱能勝強自是諸將莫敢言兵閉玉門關謝絕西域保全功臣不復任以兵事皆以列侯就第以吏事責三公亦不以功臣任吏事諸將皆以功名自終祭遵先死上念之不已未歿岑彭死鋒鏑邱之甚厚吳漢賈復終於帝世漢在軍或戰不利意氣自若上歎曰吳公差強人意隱若一敵國矣每出師朝受詔夕就道及卒上臨問所欲言漢曰臣愚願陛下慎無赦而已復自起兵時為督上曰賈督有折衝千里之威嘗戰被傷上驚曰吾嘗戒其輕敵果然失吾名將聞其婦有孕生子邪我女嫁之生女邪我子娶之其撫群臣每如此惟馬援死之日恩意頗不終焉援嘗曰大丈夫當以馬革裹屍安能死兒女手交趾反援以休波將軍討平之武陵蠻反援



又請行帝愍其老援被甲上馬據鞍顧盼以示可用上笑曰嬰鏢我  
是翁乃遣之先是上婿梁松嘗候援拜牀下援自以父友不答松不  
平援在交趾嘗遣書戒其兄子曰吾欲汝曹聞人過如聞父母名耳  
可開口不可言好議論人長短是非政法不願子孫有此行也龍伯  
高敦厚周慎謙約節儉吾愛之重之願汝曹效之杜季良豪俠好義  
憂人之憂樂人之樂父喪致客數郡畢至吾愛之重之不願汝曹效  
之也効伯高不得猶為謹教之士所謂刻鵠不成尚類鶩也効季良  
不得陷為天下輕薄子所謂畫虎不成反類狗也季良者杜保保仇  
人上書告保以援書為證保坐免官松坐與保游幾得罪愈恨援至  
是援軍至壺頭不利卒軍中松構陷之收新息侯印綬援前在交趾  
常餌意以輕身勝瘴氣軍還載之一車後有追譖之者以為明珠

文屏上益怒得朱勃上書訟其寃乃稍解上於賊罪無所貸大司徒  
歐陽歙嘗犯賊歙所授尚書弟子千餘人守闕求哀竟不免死於獄  
所用群臣如宋弘等皆重厚正直上姊湖陽公主嘗寡居意在弘弘  
入見主坐屏後上曰諺言富易交貴易妻人情乎弘曰貧賤之交不  
可忘糟糠之妻不下堂上顧主曰事不諧矣主有蒼頭殺人匿主家  
吏不能得洛陽令董宣候主出行奴驂乘叱下車格殺之主入訴上  
大怒召宣欲捶殺之宣曰縱奴殺人何以治天下臣不須捶請自殺  
即以頭叩楹流血被面上令小黃門持之使叩頭謝主宣兩手據地  
終不肯上勅強項令出賜錢三十萬當時州牧郡守縣令皆良吏郭  
伋守潁川近帝城上勞之曰河潤九里京師蒙福杜詩守南陽郡人  
為之語曰前有古父後有杜母張堪守漁陽人為之語曰桑無附枝

麥穗兩岐張堪為政樂不可支劉昆為令江陵有火叩頭向之及風滅火後守弘農虎北渡河上問行何德政而至是昆曰偶然耳上曰長者之言也命書之策尤重高節徵處士周黨至不屈伏而不謁或奏諛之上曰自古明王聖主必有不賓之士賜帛罷之處士嚴光與上嘗同游學物色得之齊國披羊裘釣澤中徵至亦不屈上與光同卧以足加帝腹明日太史奏客星犯御座甚急上曰朕與故人嚴子陵共卧耳拜諫議大夫不肯受去耕釣隱富春山中終漢世多清節士自此始方天下未平上已有志文治首起太學誓式古典修明禮樂晚歲起明堂靈臺辟雍祭然文物可述每且視朝日昃乃罷引公卿郎將講論經理夜分乃寐皇太子衆間諫曰陛下有禹湯之明而失黃老養性之道上曰我自樂此不為疲也在位三十三年身致太

平改元者二曰建武中元壽六十二太子立是為顯宗明皇帝

孝明皇帝初名陽母陰氏光武微時嘗曰仕宦當作執金吾娶妻當得陰廉華後竟得之生陽幼穎悟光武詔州郡檢覈墾田戶口諸郡各遣人奏事見陳留吏牘上有書視之云潁川弘農可問河南南陽不可問光武詰吏由祇言於街上得之光武怒陽年十二在幄後曰吏受郡敕欲以墾田相方耳河南帝城多近臣南陽帝鄉多近親甲宅踰制不可為準以詰吏首服光武大奇之郭皇后廢陰貴人立為后陽為皇太子改名莊至是即位○永平二年臨辟雍行養老禮以李躬為三老桓榮為五更三老東面五更南面上親祖割牲執醬而饋執爵而酌禮畢引榮及弟子升堂諸儒執經問難冠帶搢紳之人圍橋門而觀聽者億萬計○三年圖畫中興功臣二十八將於南宮

雲臺應二十八宿鄧禹為首次馬成吳漢王梁賈復陳俊耿弇杜茂  
寇恂傅俊岑彭堅鐔馮異王霸朱祐任光祭遵李忠景丹萬脩蓋延  
邳彤鮪期劉植耿純臧宮馬武劉隆惟馬援以皇后之父不與焉  
十一年東平王蒼來朝蒼自上即位初為驃騎將軍五年而歸國至是  
入朝上問處家何以為樂蒼曰為善最樂○十七年復置西域都護  
戊己校尉初耿秉請伐匈奴謂宜如武帝通西域斷匈奴右臂上從  
之以秉與竇固為都尉屯涼州固使假司馬班超使西域超至鄯善  
其王禮之甚備匈奴使來頻踈懈超會吏士三十六人曰不入虎穴  
不得虎子奔虜營斬其使及從士三十餘級鄯善一國震怖超告以  
威德使勿復與虜通超復使于寘其王亦斬虜使以降於是諸國皆  
遣子入侍西域復通至是竇固等擊車師而還以陳睦為都護及以

耿恭為戊校尉關寵為己校尉分屯西域○十八年北匈奴攻戊校  
尉耿恭初上即位之明年南單于比死弟莫立上遣使授筆綬北匈  
奴寇邊南單于擊卻之漢與北匈奴交使南單于怨欲畔密使人與  
交通漢置度遼將軍於五原以防之已而漢伐北匈奴北匈奴亦寇  
邊至是攻恭於金蒲城恭以毒藥傳矢語匈奴曰漢家箭神中者有  
異虜視劍皆涕大驚恭乘暴風雨擊之殺傷甚衆匈奴震怖曰漢兵  
神真可畏也乃解去○上崩在位十八年改元者一曰永平壽四十  
八上性偏察好以耳目隱發為明公卿大臣數被祗毀近臣尚書以  
下至見提曳嘗怒即藥恭以杖撞之恭走入床下上怒甚疾言曰即  
出即出恭曰天子穆穆諸侯皇皇未聞人君自起撞郎乃赦之上遵  
奉建武制度無更變后妃家不得封侯預政館陶公主為子求郎上

曰郎官上應列宿出宰百里苟非其人民受其殃不許當時吏得其  
 人民樂其業遠近畏服戶口滋殖焉太子立是為肅宗孝章皇帝  
 孝章皇帝名烜母賈氏馬皇后養之立為太子至是即位○西域攻  
 沒都護北匈奴圍已校尉又圍耿恭詔遣兵罷都護及戊己校尉官  
 惟班超上疏請兵欲遂平西域上知功可成從之○北匈奴五十八  
 部來降時北匈奴衰耗黨眾離畔南部攻其前丁零寇其後鮮卑擊  
 其左西域攻其右不復自立乃遠引而去鮮卑擊斬北單于故部眾  
 有未降者○上崩在位十三年改元者三曰建初元和章和壽二十  
 一上繼明帝察察之後知人厭苛切事從寬厚文之以禮樂嘗議貢  
 舉法韋彪議曰國以簡賢為務賢以孝行為首求忠臣必於孝子之  
 門上然之盧江毛義以行義稱張奉候之府檄適至以義守安陽令

義捧檄入喜動顏色奉心賤之後義母死徵辟皆不至奉乃歎曰往  
 日之喜為親屈也上下詔褒寵之州郡得人如廉范在蜀郡弛禁以  
 便民民歌之曰廉叔度來何暮不禁火民安作昔無襦今五袴當時  
 皆以平徭簡賦忠怒長者為政終上之世民賴其慶太子立是為孝  
 和皇帝

孝和皇帝名肇母梁氏竇皇后子之年十歲即位竇后臨朝竇憲以外戚侍中  
 用事有罪求出擊北匈奴以自贖后從之大破匈奴登燕然山刻石  
 勒功而還入為大將軍四年父子兄弟並為卿校充滿朝廷有逆謀  
 上知之遂與宦者鄭眾定議勒兵收憲印綬迫令自救以來為大長  
 秋常與議政宦官用權自此始○先是漢兵擊北單于走死漢立其  
 弟後叛追斬滅之鮮卑徙據北匈奴地自此漸盛○徵班超還京師

卒趙起自書生投筆有封侯萬里外之志有相者謂曰生燕領虎頭  
 飛而食肉萬里侯相也自假司馬入西域章帝時為西域將兵長史  
 至上以超為西域都護騎都尉平定諸國在西域三十年以功封定  
 遠侯至是以年老乞歸願生入玉門關上許之任尚代為都護請教  
 超曰君性嚴急水清無大魚宜蕩佚簡易尚私謂人曰我以班君當  
 有奇策今所言平卒耳尚後果失遣和如超言○上在位十八年崩  
 改元者二曰永元元興太子立是為孝殤皇帝  
 孝殤皇帝名隆生百餘日即位改元延平在位八閱月而崩時皇太  
 后鄧氏臨朝與鄧騭定策立嗣是為孝安皇帝  
 孝安皇帝名祐清河王慶之子章帝孫也未冠迎即位鄧后仍臨朝  
 鄧騭為大將軍時邊軍多事鄧騭欲棄涼州并力北邊郎中虞詡以

為不可曰關西出將關東出相烈士武夫多出涼州眾皆從詡議騭  
 惡詡欲陷之會朝歌賊攻殺長吏州郡不能禁以詡為朝歌長故舊  
 皆吊之詡曰不遇盤根錯節無以別利器及到官募壯士攻劫者為  
 上傷人偷盜者次之收得百餘人使入賊中誘令劫掠伏兵殺數百  
 人又潛遣貪人能縫者傭作賊衣以絲線縫其裾有出市里者輒禽  
 之賊駭散縣境皆平太后知詡有將帥之畧以為武都太守叛羌數  
 千遮詡詡停不進宣言請兵須到乃發羌聞之分鈔傍縣詡因其散  
 日夜進道令軍士各作兩竈日增倍之或曰孫臏滅竈而君增之兵  
 法日行不過三十里而今日且二百里何也詡曰虜眾多吾兵少徐  
 行易為所及速進則彼不測虜見吾竈日增謂郡兵來迎眾多行速  
 必憚追我孫臏見弱吾今示強勢不同也既到郡兵三千而羌萬餘

攻圍赤亭數十日。詔命強弩勿發，潛發小弩。羌謂力弱，不能至。并兵急攻。於是使二十強弩共射一人，發無不中。羌大驚，謂因出城奮擊。明日悉陳其兵，令從東郭門出，北郭門入，貿易衣服，回轉數周。羌不知其數，相恐動，詭潛於淺水設伏，候其走路。羌果大奔，因掩擊，大破之。賊由是敗散。○太后崩，鄧騭罷自殺。○汝南太守王龔好才愛士，以素闇為功曹，引進黃憲、陳蕃等。憲父為牛醫，憲年十四，潁川荀淑遇於逆旅，竦然異之，曰：「子吾之師表也。」見閻，曰：「子國有顏子，閻曰：「見吾叔度，邪戴良才高，每見憲歸，惘然若自失。其母曰：「汝復從牛醫兒來邪？」陳蕃等相謂曰：「時月之間，不見黃生，鄙吝之萌，復存乎心矣。」太原郭泰過閻，不宿，從憲累日，曰：「奉高之器，譬之沈潛，雖清而易挹，叔度汪汪若千頃波，澄之不清，撓之不濁，不可量也。」憲初舉孝廉，又辟

公府人勸其仕，暫到京師，即還年四十八而終。○大尉楊震自殺，震關西人，時人稱之曰：「關西孔子。」楊伯起教授生徒，堂下得三鱣，都講以為有三公之象，取以進，曰：「先生自此升矣。」後嘗為郡守，屬邑令有懷金遺之者，曰：「暮夜無知者。」震曰：「天知地知，子知我知，何謂無知？」令慚而退。及為三公，時宦者及上乳母王聖用事，皆有請託，震不從。又數以近習為言，共構之，策收印綬，遂死。葬之日，名士皆來會，有大鳥高丈餘，至墓前，俯仰流涕而去。○上少號聰明，既即位，多失德。在位十九年崩，改元者五。曰：「永初、元初、永寧、建光、延光。」太子先為近習所譖，生廢為濟陰王。閻皇后臨朝，與閻顯迎章帝孫北鄉侯懿嗣位。宦者孫程等誅顯，遷閻后，迎立濟陰王，是為孝順皇帝。孝順皇帝名保，為孫程等所立。宦官以功封侯者十九人。○尚書令

左雄奏令郡國舉孝廉限年四十以上諸生通章句文吏能牋奏乃得應選其有茂材異等若顏淵子奇不拘年齒雄公直精明能審覈真偽決志行之有舉少年至者雄詰之曰顏回聞一知十孝廉聞一知幾邪項之中外坐認舉黜免者十餘人惟汝南陳蕃潁川李膺下邳陳球等三十餘人得拜郎中○以皇后父梁商為大將軍商死以其子冀為大將軍不疑為河南尹遣使者八人分行州郡張綱獨埋其車輪於洛陽都亭曰豺狼當道安問狐狸劾奏冀不疑無君之心十五事上知綱言直而不能冀欲中傷之廣陵賊張嬰寇亂揚徐間十餘年乃以綱為廣陵太守綱單車徑詣嬰壘門請與相見譬曉之嬰等萬餘人降綱入壘宴散遣任所之南州晏然在郡卒嬰等為之制服行喪時二千石長吏有能政者冀州刺史蘇章有故人為清

河太守章行部為設酒甚歡守喜曰人皆有一天我獨有二天章曰今日蘇孺文與故人飲者私恩也明日冀州刺史案事者公法也遂舉正其姦賊之罪○上在位二十年崩改元者五曰永建陽嘉永和漢安建康太子立是為孝冲皇帝  
孝冲皇帝名炳年二歲即位三閱月而崩改元者一曰永嘉梁太后迎立渤海孝王之子是為孝質皇帝  
孝質皇帝名續章帝曾孫也年八歲即位少而聰慧嘗因朝會目梁冀曰此跋扈將軍也冀深惡之使左右於餅中進毒遂崩在位一年有半改元者一曰本初冀迎立蠡吾侯是為孝桓皇帝  
孝桓皇帝名志章帝曾孫也年十五即位梁冀以定策功益封又封其子弟皆侯李固杜喬欲立清河王蒜至是蒜貶為侯自殺固喬下

獄死。○前朗陵侯相穎川荀淑少博學有高行李固李膺等皆師宗之相朗陵治稱神君子八人時人稱為八龍其六曰爽字慈明人言荀氏八龍慈明無雙縣令命其里曰高陽里爽嘗謁李膺因為之御既還喜曰今日乃得御李君矣同郡陳寔與淑齊名嘗謁淑長子紀字元方御車次子諶字季方駿乘孫群字長文尚幼抱車中至淑家八龍更迭侍左右淑孫彧字文若尚幼抱置膝上太史奏德星見五里內有賢人聚寔嘗為大壯長修德清淨吏民追思之紀諶之子問其父優劣於其祖寔曰元方難為兄季方難為弟○詔舉獨行之士涿郡崔寔至公車不對策退而著政論畧曰聖人能與世推移俗士苦不知變以為結繩之約可復治亂秦之緒干羽之舞可以解平城之圍夫刑罰者治亂之藥石也德教者興平之梁肉也以德教除

殘是以梁肉治疾也以刑罰治平是以藥石供養也自數世以來政多恩貸馭委其轡馬駘其銜四牡橫肆皇路險傾方將拊勒鞅轡以救之豈暇鳴和鑿清節奏我昔文帝雖除肉刑當斬右趾棄市笞者往往至死是文帝以嚴致平非以寬致平也仲長統見其書曰凡為人主宜馬一通置之坐側○朱穆為冀州刺史令長望風解印去者數十人及到秦劾貪汚有宦者歸葬父用玉匣穆案驗剖其棺出之上聞大怒徵穆詣廷尉太學生劉陶等數十人上書訟穆謂中官竊持國柄手握王爵口銜天憲穆獨亢然不顧竭心懷憂為上深計臣願代穆罪上赦之陶又上疏乞以穆及李膺輔王室書奏不省○梁冀凶恣日積以外戚用事者二十年威行內外天子拱手而已上與宦者卑趙等謀勒兵收冀印綬冀自殺梁氏無少長皆棄市趙等五



人皆候自冀誅天下想望異政黃琦首為太尉○陳蕃薦處士徐穉  
 姜肱等穉字孺子豫章人陳蕃為守時特設一榻以待穉去則縣之  
 穉不應諸公之辟然聞其死輒負笈赴吊豫災一雞以酒漬綿暴乾  
 畏之到家隧外以水漬綿白茹藉飯以雞置前祭畢留謁不見喪主  
 而行肱彭城人與二弟仲海季江俱孝友常共被嘗遇盜兄弟爭死  
 盜兩釋之穉肱被徵皆不至黃瑀卒四方名士會葬者七千人穉至  
 進爵哀哭置生芻墓前而去諸名士曰此必南州高士徐孺子也使  
 陳留節容追之問國事不答太原郭泰曰孺子不答國事是其愚不  
 可及也泰初游洛陽李膺與為友膺嘗歸鄉里送車數千兩膺惟與  
 泰同舟而濟衆賓望之者如神仙焉容年四十餘畊於野遇兩樹下  
 衆皆箕踞容獨危坐愈恭泰見而異之遂勸令學鉅鹿孟敏荷甕隨

地不顧而去泰見問之曰甕已破矣視之何益泰亦勸令學自餘因  
 泰榮進成名者甚衆泰舉有道不就曰吾夜觀乾像晝察人事天之  
 所廢不可支也陳留仇香名覽年四十為蒲亭長民有陳元母告元  
 不孝香親到其家為陳人倫感悟卒為孝子考城令王奐署香為主  
 簿謂曰陳元不罰而化之得無少鷹鷂之志邪香曰以為鷹鷂不若  
 鸞鳳矣曰枳棘非鸞鳳所栖百里非大賢之路乃資香入太學常自  
 守泰就房見之起拜床下曰君泰之師也不應徵辟而卒○自黃琦  
 以來三公如楊秉劉寵皆人望寵嘗守會稽郡大治被徵有五老  
 叟自山谷間出人贖百錢送之曰明府下車以來狗不夜吠民不見  
 吏今聞當見棄去故自扶奉送寵曰吾政何能及公言邪勤苦父老  
 為人選一木錢受之後入為司空秉立朝正直為河南尹時嘗以忤

宦官得罪後為大尉以卒陳蕃繼秉為大尉數言李膺以為司隸校尉宦官畏之皆鞠躬屏氣不敢出宮省時朝廷網紀頽弛膺獨持風裁以聲名自尚士有被其容接者名為登龍門云○以劉寬為尚書令寬嘗歷典三郡多仁恕吏民有過以蒲鞭罰之○初上為侯時受學於甘陵周福及即位擢為尚書時同郡房植有名鄉人謠曰天下規矩房伯武因師獲印周仲進二家賓客互相讖搆成隙由是有甘陵南北部黨人之議始此汝南太守宗資以范滂為功曹南陽太守成瑨以岑旺為功曹皆褒善糾違滂尤剛勁疾惡如讐二郡謠曰汝南太守范孟博南陽宗資主畫諾南陽太守岑公孝弘農成瑨但坐嘯大學諸生三萬餘人郭泰賈彪為之冠與陳蕃李膺更相推重學中語曰天下模楷李元禮不畏強禦陳仲舉於是中外承風競以臧

否相尚會成瑨與太原守劉瓚於赦後案殺宦官之黨徵下獄將棄市山陽守翟超以張儉為督郵破宦官踰制家宅東海相黃浮亦收宦官家屬犯法者殺之宦官訴寃皆得罪蕃屢爭之上不聽宦官教人上書告李膺養太學遊士共為部黨誹訕朝廷疑亂風俗上震怒下郡國逮捕黨人案經三府蕃卻不肯署上愈怒下膺等北寺獄辭連杜密陳寔范滂等二百餘人使者追捕四出蕃又極諫上策免之朝廷震慄莫敢復為黨人言者賈彪曰吾不西行太難不解乃入洛陽說皇后父竇武上疏解之膺等獄辭又多引宦官子弟宦官乃懼自上赦黨人二百餘人皆歸田里書名三府禁錮終身上在位二十一年改元者七曰建和和平元嘉永興永壽延熹永康崩竇皇后迎立解瀆事候是為孝靈皇帝

孝靈皇帝名宏章帝玄孫也年十二即位竇太后臨朝竇武為大將軍陳蕃為太傅徵天下名賢李膺杜密等皆列于朝天下想望太平蕃武共議以宦官操弄國柄濁亂海內奏誅曹節王甫等謀泄宦者夜召所親軟血共盟請帝御前殿作詔板拜王甫黃門令使其黨持節收武等誣以大逆先執陳蕃殺之武自殺梟首都亭遷太后於南宮李膺初雖廢錮士大夫皆高其道而污穢朝廷更相標榜為稱號以竇武陳蕃劉淑為三君言一世之所宗也李膺荀昱杜密王暢劉祐魏朗趙典朱寓為八俊言人英也郭泰范滂尹勳巴肅宗慈夏馥蔡衍羊陟為八顧言能以德行引人也張儉程璜岑暉康劉表陳翔孔昱檀敷為八及言能導人追宗也度尚張邈王孝劉儒胡毋班秦周蕃嚮王章為八厨言能以利救人及陳蕃竇武用事復舉拔

膺等陳竇死膺等復廢錮曹節諷有司奏諸鈞黨膺詣詔獄考死滂就捕母與訣曰汝今得與李杜齊名死亦何憾滂跪受教再拜而辭顧其子曰使汝為惡惡不可為使汝為善我不為惡聞者為之流涕黨人死者百人其死徒廢錮者又六七百人郭泰私痛曰詩云人之云亡邦國殄瘁漢室滅矣但未知瞻鳥爰止于誰之屋耳泰雖好臧否而不為危言覈論故處濁世而禍不及焉○詔諸儒正五經文字命蔡邕為古文篆隸三體書之刻石立太學門外○上好文學引諸生能文賦者並待制鴻都門下置立太學諸生皆斗筭小人君子耻之○開西邸賣官各有賈崔烈以五百萬得司徒問其子以外議何如子曰人嫌其銅臭耳○鉅鹿張角以妖術教授號太平道符水療病遣弟子遊四方轉相誑誘十餘年間徒眾數十萬置三十六方大

方萬餘。小方六七千。各立渠帥。一時俱起。皆著黃巾。所在燔劫。旬月之間。天下響應。遣皇甫嵩等討黃巾。嵩與沛國曹操合軍破賊。操父嵩為宦者。曹騰養子。或云夏侯氏子也。操少機警。有權數。任俠放蕩。不治行業。汝南許劭與從兄靖有。高名共覈論鄉黨人物。每月輒更其題品。故汝南俗有月旦評。操往問劭曰。我何如人。劭不答。却之乃曰。子治世之能臣。亂世之姦雄。操喜而去。至是以討賊起。○皇甫嵩討張角。角死。嵩與其弟戰。破斬之。○上崩在位二十二年。改元者四。曰建寧。熹平。光和。中平。子雜立。何太后臨朝。后兄大將軍何進。錄尚書事。袁紹勸進誅宦官。太后未肯。紹等畫策。召四方猛將。引兵向京。以脅太后。遂召將軍董卓之兵。卓未至。進為宦官所殺。紹勒兵捕諸宦官。無少長皆殺之。凡二千餘人。有無鬚而誤死者。卓至問亂由。辨

年十四。語不可了。陳留王答無遺。卓欲廢立。紹不可。卓怒。紹出奔。卓遂廢。解陳留王立。是為孝獻皇帝。孝獻皇帝名協。九歲為董卓所立。關東州郡起兵討卓。推袁紹為盟主。卓燒洛陽宮廟。遷都長安。長沙太守富春孫堅起兵討卓。至南陽。眾數萬。與袁術合兵。術與紹同祖。皆故大尉袁安之玄孫也。袁氏四世五公。富貴異於他公。族紹壯健。有威容。愛士。士輻湊。術亦俠氣。至是皆起。堅擊敗卓兵。術遣堅圍荊州。為劉表將黃祖步兵所射死。○司徒王允等密謀誅卓。中郎將呂布膂力過人。卓信愛之。嘗小失卓意。卓手戟擲布。布避得免。允結布為內應。卓入朝。伏勇士於北掖門。刺之。卓墜車大呼。呂布曰。有詔討賊。臣應聲持矛刺卓。趣斬之。先是卓築塢于郿。積穀為三十年儲。金銀綺錦。奇玩積如山。自云事

成據天下不成守此以老至是暴屍於市卓素肥吏為大炷置臍中  
 然之光遠曙者數日卓黨舉兵犯關殺王允呂布走○涿郡劉備字  
 玄德其先出於景帝中山靖王勝之後也有大志少語言喜怒不形  
 於色河東關羽涿郡張飛與備相善備起二人從之○孫堅之子策  
 與弟權留富春遷于舒堅死策年十七往見素術得其父餘兵策十  
 餘歲時已交結知名舒人周瑜與策同年亦英達夙成至是從策起  
 策東渡江轉鬪所向無敢當其鋒者百姓聞孫郎至皆失魂魄所至  
 一無所犯民皆大悅○初曹操自討卓時戰于滎陽還屯河內尋領  
 東郡太守治東武陽已而入兗州據之自領刺史遣使上書以為兗  
 州牧上還洛陽操入朝遷上於許○操擊殺呂布初布自關中出奔  
 素術又歸素紹已而又去為操所攻走歸劉備尋又襲備據下邳備

走歸操操遣備屯沛布使陳登見操求為徐州牧不得登還謂布曰  
 登見曹公言養將軍如養虎當飽其肉不飽則噬人公曰不然譬如  
 養鷹餓則附人飽則颺去布復攻備備走復歸操擊布至下邳布  
 屢戰皆敗困迫降操縛之曰縛虎不得不急卒殺之備從操還許○素術  
 初據南陽已而據壽春以讖言代漢者當塗高自云名字應之遂稱  
 帝淫侈甚既而資實空虛不能自立欲奔素紹操遣劉備邀之術走  
 還歐血死○孫策既定江東欲襲許未發故所殺吳郡守許貢之奴  
 因其出獵伏而射之創甚呼弟權代領其眾曰舉江東之眾決機於  
 兩陣之間與天下爭衡卿不如我任賢使能各盡其心以保江東我  
 不如卿卒年二十六○素紹據葉州簡精兵十萬騎一萬欲攻許沮  
 授諫曰曹操奉天子以令天下今舉兵南向於義則違竊為公懼之

紹不聽操與紹相拒於官渡襲破紹輜重紹軍大潰漸憤歔血死○  
 車騎將軍董承稱受密詔與劉備誅曹操一日從容謂備曰今天下  
 英雄唯使君與操耳備方食失匕筋值雷震詭曰聖人云迅雷風烈  
 必變良有以也備既被遣邀來術因之徐州起兵討操操擊之備先  
 奔冀州領兵至汝南自汝南奔荊州歸劉表嘗於表坐起至廁還既  
 然流涕表怪問之備曰常時身不離鞍解肉皆消今不復騎解裏肉  
 生日月如流老將至功業不建是以悲耳耶耶諸葛亮寓居襄陽隆  
 中每自比管仲樂毅備訪士於司馬徽徽曰識時務者在俊傑此間  
 自有伏龍鳳雛諸葛孔明龐士元也徐庶亦謂備曰諸葛孔明臥龍  
 也備三往乃得見亮問策亮曰操擁百萬之衆挾天子令諸侯此誠  
 不可與爭鋒孫權據有江東國險而民附可與為援而不可圖荊州

用武之國益州險塞沃野千里天府之土若踴有荆益保其巖阻天  
 下有變荊州之軍向宛洛益州之衆出秦川孰不箪食壺漿以迎將  
 軍乎備曰善與亮情好日密曰孤之有孔明猶魚之有水也士元名  
 統龐德公從子也德公素有重名亮每至其家獨拜床下○曹操擊  
 劉表表卒子琮舉荊州降操劉備奔江陵操追之備走夏口操進軍  
 江陵遂東下亮謂備曰請求救於孫將軍亮見權說之權大悅操遣  
 權書曰今治水軍八十萬衆與將軍會獵於吳權以示郡下莫不失  
 色張昭請迎之魯肅以為不可勸權召周瑜瑜至曰請得數萬精兵  
 進江夏口保為將軍破之權拔刀斫前奏案曰諸將吏敢言迎操者  
 與此案同遂以瑜督三萬人與備并力逆操進遇於赤壁瑜部將黃  
 蓋曰操軍方進船艦首尾相接可燒而走也乃取蒙衝鬪艦十艘載

燥荻枯柴灌油其中裏惟慢上建旌旗豫備走舸繫於其尾先以書遺操詐為欲降時東南風急蓋以十艘最著前中江舉帆餘船以次俱進操軍皆指言蓋降去二里餘同時發火火烈風猛船往如箭燒盡北船烟焰漲天人馬溺燒死者甚衆瑜等率輕銳雷鼓大進北軍大壞操走還後屢加兵於權不得志操歎息曰生子當如孫仲謀向者劉景昇兒子豚犬耳○劉備狗荆州江南諸郡周瑜上疏於權曰備有梟雄之姿而有關羽張飛熊虎之將聚此三人在疆場恐蛟龍得雲雨終非池中物也宜從備置吳權不從瑜方議圖北方會病卒魯肅代領其兵肅勸權以荆州借劉備權從之權將呂蒙初不學權勸蒙讀書魯肅後與蒙論議大驚曰卿非復吳下阿蒙蒙曰士別三日即當刮目相待○劉備初用龐統為未陽令不召魯肅遺備書曰

士元非百里才使為治中別駕乃得展其驥足耳備用之勸取益州備留關羽守荆州引兵泝流自巴入蜀襲劉璋入成都備既得益州孫權使人從備求荆州備不肯還遂爭之已而分荆州備自蜀取漢中自立為漢中王漢中將關羽自江陵出攻樊城取襄陽自許以南往往遙應羽威震華夏曹操至議徙許都以避其鋒司馬懿曰備權外親內疎關羽得志權必不願也可遣人勸權躡其後許割江南以封權操從之時魯肅已死呂蒙代之亦勸權圖羽操師救樊權將陸遜又襲羽後羽狼狽走還權軍獲羽斬之遂定荆州○初曹操自兗州收入為丞相領冀州收封魏公作銅雀臺於鄴已而進爵為王用天子車服出入警蹕以子丕為王太子操卒丕立自為丞相冀州收魏群臣言魏當代漢丕遂迫帝禪位以帝為山陽公帝在位改元者三

曰初平興平建安元年至二十五年則皆曹操為政時也共三十一年  
年禪位又十四年而卒漢自高祖元年為王五年為帝至是二十四  
世四百二十六年。

三國漢

附魏吳二僭國

按曾氏云天下非一統者本可各自一國編集又恐初學讀者  
迷其時代之先後今但以一國源流相接者為提頭而附同時  
之國於其間而曾氏仍陳壽之舊以魏稱帝而附漢吳則既遵  
朱子綱目義例而改正少微通鑑矣今復正此書以漢接統

云

昭烈皇帝諱備字玄德漢景帝子中山靖王勝之後有大志少言語

喜怒不形身長七尺五寸垂手下膝顧自見其耳○蜀中傳言曹丕  
篡立帝已遇害於是漢中王發喪制服謚曰孝愍皇帝夏四月即帝  
位於武擔之南大赦改元章武○以諸葛亮為丞相許靖為司徒○  
立宗廟祫祭高皇帝以下○立夫人吳氏為皇后子禪為皇太子○  
魏主丕姓曹氏沛國譙人也父操為魏王丕嗣位首立九品官人之  
法州郡皆置九品中正區別人物第其高下丕既篡漢自立為帝追  
尊操為太祖武皇帝改元黃初○帝耻關羽之沒自將伐孫權權求  
和不許權遣使於魏魏封權為吳王魏主問吳使趙咨曰吳王願知  
學乎咨曰吳王任賢使能志存經畧雖有餘閑博覽書史不效書生  
尋章摘句魏主曰吳難魏乎咨曰帶甲百萬江漢為池何難之有曰  
吳如大夫者幾人咨曰聰明特達者八九十人如臣之比車載斗量



不可勝數。帝自巫峽至夷陵立數十屯與吳軍相拒累月吳將陸遜連破其四十餘營帝夜遁。魏主責吳侍子不至怒伐之吳王改元黃武臨江拒守。三年夏四月帝崩在位三年改元者一曰章武。諡曰昭烈皇帝太子禪即位封亮為武鄉侯太子既立是為後皇帝。後皇帝名禪字公嗣昭烈皇帝子也年十七即位改元建興丞相諸葛亮受遺詔輔政昭烈臨終謂亮曰君才十倍曹丕必能安國家終定大事嗣子可輔輔之如其不可君可自取亮涕泣曰臣敢不竭股肱之力效忠貞之節繼之以死亮乃約官職修法制下教曰夫參署者集眾思廣忠益也若遠小嫌難相違覆闕損矣亮乃遣鄧芝使吳修好芝見吳王曰蜀有重險之固吳有三江之阻共為唇齒進可兼并天下退可鼎足而立吳遂絕魏專與漢和。魏主以舟師擊吳

吳列艦于江江水盛長魏主臨望歎曰我雖有武夫千群無所施也於是還師。南夷畔漢丞相亮往平之有孟獲者素為夷漢所服亮生致獲使觀營陣縱使更戰七縱七擒猶獲獲不去曰公天威也南人不復反矣。魏主又以舟師臨吳見波濤洶湧歎曰嗟乎固天所以限南北也。魏主丕殂僭位七年改元者一曰黃初諡曰文皇帝子叡立是為明帝叡母被誅丕嘗與叡出獵見子母鹿既射其母使叡射其子叡泣曰陛下已殺其母臣不忍殺其子丕惻然及是為嗣即位。叡士管寧字幼安自東漢末避地遼東三十七年魏徵之乃浮海西歸拜官不受。漢丞相亮率諸軍北伐魏臨發上疏曰今天下三分益州疲弊此危急存亡之秋也宜開張聖聽不宜塞忠諫之路宮中府中俱為一體陟罰臧否不宜異同若有作姦犯科及忠善者

宜付有司論其刑賞以昭平明之治親賢臣遠小人此先漢所以興隆也親小人遠賢臣此後漢所以傾頽也臣本布衣躬耕南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬之中諮臣以當世之事由是感激許先帝以驅馳先帝知臣謹慎臨崩寄以大事受命以來夙夜憂懼恐付託不效以傷先帝之明故五月渡瀘深入不毛今南方已定兵甲已足當獎率三軍北定中原興復漢室還于舊都此臣所以報先帝而忠陛下之職分也遂屯漢中○明年率大軍攻祁山我陣整齊魏令明肅始魏以昭烈既崩教歲寂然無聞畧無所備猝聞亮出朝野恐懼於是天水安定等郡皆應亮關中響應魏主如長安遣張郃拒之亮使馬謖督諸軍戰于街亭謖違亮節度郃大破之亮乃還漢中已而復言於漢帝曰漢

卷之三

賊不兩立王業不偏安臣鞠躬盡力死而後已至於成敗利鈍非臣所能逆觀也引兵出散關圍陳倉不克○吳王孫權自稱皇帝於武昌追尊父暨為武烈皇帝兄策為長沙桓王已而遷都建業○蜀漢丞相亮又伐魏圍祁山魏遣司馬懿督諸軍拒亮懿不肯戰賈詡等曰公畏蜀如虎奈天下笑何懿乃使張郃向亮亮逆戰魏兵大敗亮以糧盡退軍郃追之與亮戰中伏弩而死亮還勸農講武作木牛流馬治邸閣息民休士三年而後用之悉衆十萬又由斜谷口伐魏進軍渭南魏大將軍司馬懿引兵拒守亮以前者數出皆運糧不繼使已志不伸乃分兵屯田耕者雜於渭濱居民之間而百姓安堵軍無私焉亮數挑懿戰懿不出乃遣以巾幗婦人之服亮使者至懿軍懿問其寢食及事煩簡而不及戎事使者曰諸葛公夙興夜寐罰二十

以上皆親覽所噉食不至數升懿告人曰食少事煩其能久乎亮病篤有大星赤而芒隆亮營中未幾亮卒長史楊儀整軍還百姓奔告懿追之姜維令儀反旗鳴鼓若將向懿懿不敢逼百姓為之譏曰死諸葛走生仲達懿笑曰吾能料生不能料死亮嘗推演兵法作八陣圖至是懿素行其營壘歎曰天下奇才也亮為政無私馬謖素為亮所知及敗軍流涕斬之而卹其後李平廖立皆為亮所廢及聞亮之喪皆歎息流涕卒至發病死史稱亮開誠心布公道刑政雖峻而無怨者真誠治之良材而謂其材長於治國將畧非所長則非也初丞相亮嘗表於帝曰臣成都有桑八百株薄田十五頃子弟衣食自有餘不別治生以長尺寸臣死之日不使內有餘帛外有贏財以負陛下至是卒如其言蓋忠武○魏主性好土功先是既治許昌宮後又

作洛陽宮徙長安鐘虡橐駝銅人承露盤於洛陽盤折聲聞數十里銅人重不可致乃大發銅鑄銅人二列坐於司馬門外號曰翁仲起土山於芳林園植雜木善草捕禽獸致其中諫者皆不納○魏主有疾召司馬懿入朝以曹爽為大將軍魏主歿殂僭位十四年改元者三曰太和青龍景初子芳立是為廢帝邲陵厲公芳八歲即位司馬懿曹爽受遺詔輔政懿為太傅○漢自丞相亮既亡蔣琬為政楊敏毀琬曰作事憤憤不及前人或請推治敏琬曰吾實不如前人無可推琬卒費禕董允為政公亮盡忠允卒姜維與費禕並為政○魏曹爽驕奢無度司馬懿殺之懿為魏丞相加九錫不受爽之黨夏候霸奔蜀姜維問之曰懿得政復有征伐志否霸曰彼營立家門未違外事有鍾士季者雖少若管朝政吳蜀之憂也○魏司馬懿卒以其子

師為撫軍大將軍錄尚書事○吳王璠諡曰大皇帝子亮立○漢費  
律汎愛不疑降人刺殺之姜維用事數出兵攻魏○魏李豐數為魏  
主所害司馬師知其議已殺之魏主不平左右勸誅師魏主不敢發  
師廢魏主僭位十六年改元者二曰正始嘉平師迎立高貴鄉公是  
為廢帝名髦文帝之孫明帝之姪年十四即位○揚州都督母止儉  
刺史文欽起兵討司馬師擊敗之師卒弟昭為大將軍錄尚書事  
已而為大都督假黃鉞揚州都督諸葛誕起兵討昭昭攻殺之昭為  
相國封晉公加九錫不受○吳王亮親政數出中書視太帝時舊事  
嘗食生梅索蜜蜜中有鼠矢古藏吏問曰黃門從爾求蜜邪吏曰向  
求不敢與黃門不服今破鼠矢矢中燥因大笑曰若矢先在蜜中中  
外俱濕今外濕內燥必黃門所為也詰之果服左右驚慄大將軍孫

繼以其多所難問稱疾不朝以兵圍宮廢亮為會稽王迎立瑯琊王  
休休立以繼為丞相繼又無禮於新君遂被誅○魏主髦見威權日  
去不勝其忿曰司馬昭之心路人所知也率殿中宿衛蒼頭官僮鼓  
譟出欲誅昭昭之黨費充入與魏主戰成濟抽戈刺魏主髦殞于車  
下追廢為庶人僭位七年改元者二曰正元甘露司馬昭迎立常道鄉公  
魏元皇帝常道鄉公元皇帝初名璜燕王守之子操之孫也年十五即位改名奐○  
漢姜維屢伐魏司馬昭患之遣鄧艾鍾會將兵入寇會從斜谷駱谷  
子午谷趨漢中艾自狄道趨甘松沓中以綴姜維維聞會已入漢中  
引兵從沓中還艾追躡之大戰維敗走還守劍閣以拒會艾進至陰  
平行無入之地七百里鑿山通道造作橋閣山高谷深艾以糧自襄  
推轉而下將士皆攀木緣崖魚貫而進至江油以書誘漢將諸葛瞻

瞻斬其使列陣綿竹以待敗績漢將軍諸葛瞻死之瞻子尚曰父子  
 荷國重恩不早斬黃皓使敗國殄民用生何為策馬冒陳而死○漢  
 人不意魏兵卒至不為城守乃遣使奉箋綏諸艾降皇子北地王謀  
 怒曰若理窮力屈禍敗將及便當入子君臣背城一戰同死社稷以  
 見先帝可也奈何降乎帝不聽謀哭於昭烈之廟先殺妻子而後自  
 殺艾至成都帝出降魏封為安樂公帝在位四十一年改元者四曰  
 建興延熙景耀炎興右自高帝元年乙未至後帝禪炎興癸未凡二  
 十六帝通四百六十九年而漢亡○吳主休歿謚曰景皇帝兄子烏程  
 侯皓立○魏司馬昭先是已受九錫已而進爵為晉王昭卒于炎嗣  
 魏主負僭位六年改元二曰景元咸熙炎迫魏主禪位封為陳留王  
 後卒晉人謚之曰元○魏自曹丕至是凡五世四十六年而亡○自

漢亡後又歷甲申開正統一年

西晉

西晉世祖武皇帝姓司馬名炎河內人昭之子懿之孫也昭為晉王  
 議立世子議者以炎髮立委地手垂過膝非人臣之相遂立己而嗣  
 為王即帝位追尊懿為宣皇帝師為景皇帝昭為文皇帝大封宗室  
 晉有滅吳之志以羊祜都督荊州事吳以陸抗都督諸軍祜與抗對  
 境使命常通抗遺祜酒祜飲之不疑抗疾祜與之成藥抗即服之曰  
 豈有酖人羊叔子哉祜務修德政以懷吳人每交兵刻日方戰不掩  
 襲抗亦告其邊成各保分界而已母求細利時吳主皓不修德政而  
 欲兼并使術士筮取天下對曰庚子歲青蓋當入洛陽蓋謂銜璧之  
 事而皓不悟用諸將謀數侵盜晉邊抗諫不聽抗卒祜請伐吳議者

多不同。祜歎曰：天下不如意事十常七八。惟杜預、張華贊其計，祜病求入朝，面陳晉帝，欲使祜卧護諸將。祜曰：取吳不必臣行，但平吳之後，當勞聖慮耳。祜卒，以杜預為鎮南大將軍，督荊州軍事。吳主皓淫虐日甚，預表請速征之。表至，張華適與帝暴，即推枰歛手，贊其決帝許之。山濤告人曰：自非聖人，外寧必有內憂。釋吳為外懼，豈非算乎？時濤為吏部尚書，濤昔在魏晉之間，與魏康阮籍、兄弟咸向秀、王戎、劉伶相友。阮竹林七賢皆崇尚老莊，虛無之學，輕蔑禮法，縱酒昏酣，遺落世事。士大夫皆慕效之，謂之放達。惟濤仍留意世事，至是典選甄拔人物，各為題自，而奏之時，人稱之為山公啓事。○晉大舉伐吳，杜預出江陵，王潛下巴蜀兵人於江，積要害處，並以鐵鎖橫江，截之又作鐵錐，長丈餘，暗置江中，逆拒舟艦。潛作大筏，令善水者以筏先

行，遇錐輒著筏而去。又作大炬，灌以麻油，遇鎖燒之，須臾融液斷絕。於是船無所礙，遂先克上流諸郡。預遣人率奇兵夜渡，吳將懼曰：北來諸軍乃飛渡江也。預分兵與潛合攻武昌，降之。預謂兵威已振，譬如破竹，數節之後，迎刃而解，無復著手處也。遂指授群帥方略，徑造建業。潛戎卒八萬，方舟百里，舉帆直指，建業鼓譟入石頭城。吳主皓面縛輿觀，降封歸命侯。遂符庚子入洛之讖。自大帝至是，四世稱帝者凡五十二年而亡。邈孫策定江東以來，通八十餘年。晉代魏十有六年，至太康元年而滅。吳又十年，帝崩，帝初即位，嘗焚雉頭裘於太極殿前，以示儉。既而侈縱，後宮數千，常乘羊車，宮人挿竹葉于門，洒塩以待之。羊車所至，即留酣宴，與群臣語，未嘗有經國遠謀。自吳既平，謂天下無事，盡去州郡武備。山濤獨憂之。漢魏以來，羌胡鮮卑降

者多處塞內諸郡郭欽嘗上疏謂宜及平吳之威漸徒內郡雜胡於  
邊地峻四夷出入之防明先王荒服之制帝不聽卒為天下患帝在  
位改元者三曰泰始咸寧太康太子立是為孝惠皇帝  
孝惠皇帝名衷性不慧為太子時納妃賈氏充之女也多權詐衛瑾  
嘗侍武帝陽醉跪于前以手撫床曰此座可惜武帝悟密封尚書疑  
事令太子決之賈氏大懼倩外人具草代對令太子自馮武帝悅得  
不廢至是即位賈氏為皇后預政皇太后楊氏乃帝母楊后之後妹  
父駿為太傅賈后殺駿而廢太后殺太宰汝南王亮殺太保衛瑾殺  
楚王瑋以眾望用張華裴頠王戎管機要華盡忠帝室后雖凶險猶  
知敬重與頠同心輔政數年之間雖暗主在上而朝野安靜戎與時  
淨沈無所匡救性復貪吝田園遍天下執牙籌晝夜會計家有好李

恐人得其種常鑽其核凡所賞拔專事虛名阮咸之子瞻見戎戎問  
曰聖人貴名教老莊明自然其旨異同瞻曰將無同戎咨嗟良久遂  
辟之時藉三語據是時王行樂廣皆善清談行神情明秀少時山濤  
見之曰何物老嫗生寧馨兒然誤天下蒼生者未必非此人也行第  
澄及阮咸咸從子脩胡毋輔之謝鯤畢卓等皆以任放為達醉裸不  
以為非比舍郎醱熟卓夜至甕間盜飲為守者所縛且視之畢吏部  
也樂廣聞而笑之曰名教中自有樂地何必乃爾初魏時何晏等立  
論以天地萬物皆以無為本衍等愛重之裴頠著崇有論不能救○  
太子適非賈后所生后廢殺之征西大將軍趙王倫矯詔勒兵入宮  
廢后殺之殺張華裴頠倫為相國淮南王允率兵討倫不克死倫殺  
衛尉石崇有愛妾綠珠倫嬖人孫秀求之不與秀誣崇奉允為亂

叔之崇曰。奴輩利吾財耳。叔者曰。知財為禍。何不早散之。遂被殺。倫  
自加九錫。逼帝禪位。黨與皆為卿相。奴卒亦加爵位。每朝會。貂蟬盈  
坐。時人語曰。貂不足。狗尾續。齊王同鎮許昌。成都王穎鎮鄴。河間王  
顥鎮關中。各舉兵討倫。倫伏誅。同輔政。驕奢擅權。顥使長沙王入殺  
之。穎亦恃功驕奢。已而與顥舉兵。反入奉帝。及穎戰。穎將陸機戰敗。  
被叔歎曰。華亭鶴唳。可復聞乎。與弟雲皆為穎所殺。機雲皆陸抗子  
也。穎進兵入京師。為丞相。已而還鄴。顥表穎為皇太弟。東海王越奉  
帝命征穎。穎遣兵拒戰于蕩陰。乘輿敗績。侍中嵇紹以身衛帝。被殺。  
血濺帝衣。穎迎帝入鄴。左右欲浣帝衣。帝曰。嵇侍中血。勿浣也。穎奉  
帝還洛。顥將張方在洛。遷帝於長安。顥廢太弟。穎更立豫章王熾為  
太弟。東海王越發兵西入長安。奉帝還洛。以越輔政。成都王穎先據

洛陽。已而奔長安。又自武關奔新野。遂北濟河。叔故將士為頓。吐太  
守所執。時范陽王虓據鄴。送穎於虓。未幾被殺。○帝食麵。中毒而崩。  
或曰。東海王越鳩之也。帝昏愚。天下大饑。帝曰。何不食肉。樂華林園。  
聞蛙鳴。帝曰。彼鳴者為官乎。為私乎。左右戲之曰。在官地者為官。在  
私地者為私。方賈氏專政。時人知將亂。索靖指洛陽宮門銅駝。歎曰。  
會見汝在荆棘中耳。趙王倫亂。後諸王迭相殘滅。天下大亂。○劉淵  
興于左國城。淵故南匈奴之後。匈奴由漢魏以來。臣中國。其先世自  
以漢甥。冒漢姓。父豹為左部帥。生淵。幼而雋異。博習經史。嘗曰。吾耻  
隨陸無武。遇高帝而不能建封侯之業。逢漢無文。遇文帝而不能興  
庠序之教。豈不惜哉。於是兼學武事。姿貌魁偉。初為侍子。在洛。豹死。  
武帝以淵代為五部帥。既而為北部都尉。五部豪傑多歸之。及帝世。



以為五部大都督成都王穎表為左賢王嘗使將兵在鄴淵子聰亦  
驍勇絕人博涉經史善屬文彎弓三百斤淵從祖宣曰漢亡以來我  
單于徒有虛號無復尺土自餘王侯降同編戶今吾眾雖衰猶二萬  
奈何歛手受役奄過百年司馬氏骨肉相殘四海鼎沸左賢王英武  
超世復呼韓邪之業此其時也乃相與謀推之淵說穎請歸帥五部  
來助既至左國城宣等推為大單于二旬間眾五萬都離石胡晉歸  
之者愈眾乃建國號曰漢稱漢王淵有族子曜生而眉白目有赤光  
幼聰慧有膽量亦好讀書屬文射能洞鐵七寸至是為淵將○巴西  
氏李特初以流民入蜀旬月眾二萬據廣漢進攻成都為刺史羅尚  
所敗斬其首弟流代領其眾勢復盛流死弟雄代攻走羅尚入成都  
至是自稱成都王○鮮卑慕容廆自武帝時已為寇既而降以為鮮

卑都督廆生說自遼東徙居徒河又徙大棘城及帝世慕容部愈盛  
○鮮卑索頭拓跋氏先是有質子在晉武帝遣歸既而拓跋力微又  
遣其子入貢力微死子悉祿官立及帝世索頭分國為三部一居上  
谷之北祿官自統之一居代郡參合陂之北使兄子猗也統之一居  
定襄之盛樂故城使猗也弟猗盧統之晉人附者稍眾猗也渡漠北  
巡西畧諸國降附者三十餘國拓跋氏之盛始於此夷狄亂華之禍  
皆萌蘖於漢魏晉間至帝之世乘中國大亂始四起○帝在位十七  
年改元者五曰元康永康太安永興光熙太弟立是為孝懷皇帝○  
孝懷皇帝名熾當惠帝之十五年武帝子二十五人兄弟相屠之餘  
存者三人而已熾其一也素好學故立為太弟至是即位○成都王  
李雄稱帝國號成○漢主劉淵稱帝徙都平陽遣其子聰及石勒等

攻晉內郡以至洛陽勒武鄉羯人也先是嘗至洛陽倚上東門長嘯  
王行識其有異後為寇已而從漢○漢主淵卒子和立聰弒而代之  
○太傅東海王越遣兵入宿衛仍遣使以羽檄徵天下兵入援越自  
帥兵討石勒卒于軍勒兵敗越軍執太尉王衍等衍自言少無宦情  
不豫世事勒曰吾行天下多矣未嘗見此輩人尚可存乎或曰彼皆  
晉之王公終不為吾用勒曰雖然要不可加以鋒刃夜使人排牆殺  
之○漢主聰遣呼延晏將兵攻洛陽劉曜王彌石勒皆會遂陷洛陽  
執帝送平陽尋被殺○帝在位六年改元者一曰永嘉秦王立於長  
安是為孝愍皇帝  
孝愍皇帝名業吳王晏之子武帝孫也封秦王洛陽既陷荀藩秦王  
越許昌時年十二已而索琳逃入雍州刺史賈疋等奉為皇太子建

行臺盜殺疋魏允領雍州懷帝凶問至王即位於長安○石勒遣石  
虎攻鄴陷而據之○漢屢寇長安魏允索琳屢敗之味殺漢兵連陷  
諸郡逼長安先陷外城魏允索琳退守小城內外斷絕城中饑甚帝出降漢將劉曜送  
平陽聰享群臣命帝著青衣行酒洗爵又使執蓋後遇害帝在位四  
年改元者一曰建興西晉自武帝至是凡四世五十二年瑯琊王立  
於建業是為中宗元皇帝

十八史略卷之四

卷之四

漢土 盧陵 曾先之 編次

日本 大阪 白井秀達訓點

東晉

中宗元皇帝名睿瑯琊王伯之孫也宣帝懿生伯之伯之生觀或曰睿母  
 實與瑯琊小吏牛金通而生睿嗣觀為王於惠懷為再從兄弟懷帝  
 時睿為安東將軍都督揚州諸軍鎮建業睿以王導為謀主每事咨  
 焉睿名論素輕吳人初不附導勸用諸名勝顧榮賀循紀瞻等為掾  
 屬撫綏新舊江東歸心焉後又得庾亮下壺等百餘人謂之百六掾  
 桓彝避亂過江見睿微弱憂之既而見導退謂周顛曰江左有管夷  
 吾吾無憂矣諸名士遊宴新亭顛中坐而歎曰風景不殊舉目有江

河之異因相視流涕導曰當勸力王室共復神州何益作楚囚對泣  
 邢愨帝以睿為左丞相洛陽祖述少有大志嘗與劉琨同寢中夜聞  
 雞聲琨起曰此非惡聲也因起舞及是南渡請兵於睿睿素無北  
 伐之志以述為豫州刺史與兵千人不給鎧仗述渡江中流擊楫而  
 誓曰祖述不能清中原而復濟者有如此江愨帝又以睿為丞相都  
 督中外諸軍事長安陷睿出師露次移檄北征實不行群臣勸即晉  
 王位明年遂即皇帝位○大尉劉琨死初琨與祖述齊名琨謂人曰  
 常恐祖生先吾著鞭愨時為并州刺史琨出軍長史叛降石勒幽  
 州刺史段匹碑時在薊城遣人邀琨琨率眾奔薊與匹碑歃血同盟  
 翼戴晉室有欲襲取薊者遣書請琨為內應書為邏騎所獲而琨實  
 不知也竟為匹碑所縊○漢主劉聰卒子粲立其臣靳准弑而代之

石勒討準劉曜自立封勒為趙公曜疑勒自稱趙王曜亦改號為趙  
 勒為後趙○略陽臨渭氏酋蒲洪驍勇多權略群氏畏服之劉聰嘗  
 拜為將軍不受在懷帝世自稱略陽公至是降于趙主曜○晉豫州  
 刺史祖述卒初述取譙城進屯雍丘後趙鎮戍歸述者甚眾述與將  
 士同甘苦勸課農桑撫納新附帝以戴淵為將軍來督諸軍事述以  
 已剪荆棘收河南地而淵雍容一旦來統之意甚快快又聞王敦與  
 朝廷構隙將有內難知大功不遂感激發病卒豫州士女若喪父母  
 ○鮮卑慕容廆先是嘗遣使于晉受帝命為平州刺史至是以為平  
 州牧遼東公○初拓跋祿官死猗盧總攝三部劉琨與猗盧結為兄  
 弟懷帝時表為大單于封代公帥部落自雲中入雁門琨與以陞北  
 之地由是益盛嘗為琨接大敗劉曜之兵於晉陽猗盧城成樂為北

都平城為南都。愍帝進狩盧野，為王置官屬，食代常山二郡。猗盧愛少子，欲立為嗣，而出其長子六脩，使六脩拜其弟，不從而去。大怒，討之。兵敗而遇弒。猗也之子普根討滅六脩而自立，尋卒。國人立猗盧弟之子鬱律，至是，猗也之妻殺鬱律而立其子賀偃。鬱律子什翼犍在襁褓，母匿之袴下，得不殺。○晉荊州刺史王敦反，初帝之始鎮江東也，敦與從弟導同心翼戴，推心任之。敦總征討，導專機政，群從子弟布列顯要。時人語曰：王與馬共天下。敦先領揚州刺史，都督征討諸軍，進為鎮東大將軍、都督江揚荆湘交廣六州諸軍事、江州刺史。尋領荊州，恃功驕恣，帝畏惡之，乃引劉隗、刁協為腹心，稍抑損王氏權導，亦漸見疎。外敦參軍錢鳳等凶狡，知敦有異志，陰為畫策。至是敦遂舉兵武昌，以誅劉隗、刁協為名。隗、協勸帝盡誅王氏，帝不許。導率

宗族，每旦詣臺待罪。周顛將入，導呼之曰：伯仁，以百口累卿，顛不顧入。見帝言導忠誠，申救，甚至帝納其言。顛醉而出，導又呼顛，不與言。顧左右曰：今年殺諸賊奴，取金印如斗，大繫肘後。既出，又上表明導無罪。導不知，恨之。帝召見導，導誓首曰：亂臣賊子，何代無之？不意今者近出臣族，帝蹠而執其手曰：茂弘方寄卿以百里之命，以為先鋒。大都督敦至石頭城，據之曰：吾不復得為盛德事矣。協、隗等分道出戰，大敗而還。帝令百官詣石頭見敦，敦殺周顛，導不救。後料檢中書故事，見顛表執之流涕，曰：吾雖不殺伯仁，伯仁由我而死。幽冥之間，負此良友，敦不朝而去。還武昌，帝憂憤成疾而崩。在位六年，改元者三。曰：建武、大興、永昌。太子立，是為肅宗明皇帝。

肅宗明皇帝名紹，幼而聰慧，嘗有使者從長安來，元帝問紹曰：長安

近歟日近紹曰長安近但聞人從長安來不聞人從日邊來元帝奇其對一日與群臣語及之復以問紹紹曰日近元帝愕然曰何異問者之言邪紹曰舉頭見日不見長安元帝益奇之及長仁孝喜文辭善武藝好賢禮士受規諫與康彪溫嶠等為布衣之交敦在石頭以其有勇略欲誣以不孝而廢之賴嶠等衆論沮其謀至是即位敦謀篡位移屯姑熟自領揚州牧○以王導為司徒加大都督督諸軍討敦敦復反發兵而病使郭璞筮之璞曰明公起事禍必不久敦大怒曰卿壽幾何璞曰命盡今日日中敦斬之帝自出規敦軍敦晝夢曰環其營驚悟曰黃鬚鮮卑兒來邪帝母鮮卑出也亟遣人追之不及帝帥諸軍出屯南皇堂夜募壯士渡水掩敦兄王含軍大破之敦聞含敗曰我兄老婢耳門戶衰世事去矣因作勢起欲自行困乏復臥

尋卒敦黨悉平發敦屍斬之有司奏罪王氏兄弟詔曰司徒導以大義滅親將十世宥之悉無所問○以陶侃都督荆湘等州諸軍事侃少孤貧孝廉范逵過之侃母湛氏截髮賣為酒食逵薦侃遂知名初為荊州都督劉弘所用討義陽叛蠻張昌又討破江東叛將陳敏又擊破湘州劇賊杜弢自江夏太守為荊州刺史王敦疾之左遷廣州刺史侃在州朝運百甓於齋外暮運齋內人問其故答曰吾方致力中原故習勞耳至是復鎮荊州士女相慶侃性聰敏恭勤嘗曰大禹聖人乃惜寸陰衆人當惜分陰取諸參佐酒器捕博具悉投於江曰擣捕者收猪奴戲耳嘗造松籍竹頭木屑而掌之後正會雪霽地濕以木屑布地及後有征蜀之師得侃竹頭作釘裝紮其綜理微密類此○帝崩在位三年改元者一曰太寧太子立是為顯宗成皇帝○

顯宗成皇帝名行母康氏五歲即位司徒導與帝舅中書令庾亮輔  
政太后臨朝○歷陽內史蘇峻反峻前守臨淮於王敦再犯關時入  
衛有功威望漸著及在歷陽卒銳器精志輕朝廷招納亡命庾亮脩  
石頭城以備之建請峻為大司農峻舉兵陷姑孰尚書令卞壺督  
軍與峻力戰死二子隨之亦赴敵死母撫其屍曰父為忠臣子為孝  
子何恨庾亮出奔峻兵犯關陶侃溫嶠入討峻斬之○後趙主石勒  
大破趙兵獲趙主劉曜曜與勒連攻戰互勝負曜攻後趙金墉城勒  
自將救之大戰于洛陽趙兵大潰曜醉墜馬為勒獲歸殺之前趙亡  
○晉驃騎將軍溫嶠卒嶠初為劉琨所遣使江東母不欲嶠絕裾而  
去既至不復得歸北終身以為恨嶠盡心晉室敦峻之平皆嶠力○  
後趙石勒稱天王尋稱帝嘗大饗群臣問曰朕可方古何主或曰遇

於漢高勒笑曰人豈不自知卿言太過若遇高帝當北面事之與韓  
彭比肩耳若遇光武當並驅中原未知鹿死誰手大丈夫行事當礪  
礪落落如日月皎然終不效曹孟德司馬仲達欺人孤兒寡婦狐媚  
以取天下也勒雖不學好使人讀書而聽之時以其意論得失聞者  
悅服嘗聽讀漢書至酈食其勸立六國後驚曰此法當失何以遂得  
天下及聞張良諫乃曰賴有此耳後遣使修好于晉晉焚其幣勒卒  
子弘立○晉太尉陶侃卒侃都督八州威名赫然或謂侃嘗夢生八  
翼上天門至八重折左翼而下力能跋扈每思折翼之夢輒自制在  
軍四十一年明毅善斷人不能欺自南陵至白帝數千里路不拾遺  
○後趙石虎殺其主弘而自立為趙天王殺勒種無遺○成改國號  
曰漢李雄以兄子班為太子雄卒班立雄子越弒班而立其弟期

忌雄弟漢主壽威名使出屯于外壽還襲弒期而自立○代王什翼  
捷立先是代王賀正卒弟紇那嗣紇那出奔鬱律于翳槐立紇那復  
還翳槐奔趙趙納翳槐于代翳槐臨卒命諸大人立弟什翼捷自稱  
盧死國多內難部落離散什翼捷雄勇有智畧能修祖業始制百官  
號令明白政事清簡百姓安之於是東自滅緬西及破落那南距陰  
山北盡沙漠率皆歸服有衆數十萬人拓跋氏自是愈大○晉丞相  
王導卒初帝即位冲幼每見導必拜既冠猶然委政於導導以門地  
王述為掾述未知名人謂之痴既見問江東米價述張目不荅導曰  
王掾不痴導每發言一坐莫不贊歎述正色曰人非堯舜何得每事  
盡善導改容謝之導性寬厚所委任諸將多不奉法大臣患之庾亮  
欲起兵廢導或勸導密備導曰吾與元規休戚是同元規若來吾便

角巾歸第復何懼哉亮雖居外鎮而遙執朝權據上流擁強兵趨勢  
者多歸之導內不能平嘗遇西風塵起舉扇自蔽徐曰元規塵汚人  
導簡素寡欲善因事就功雖無日用之益而歲計有餘輔相三世倉  
無儲穀衣不重帛○晉司空庾亮卒初蕪峻之亂亮激之也峻平亮  
泥首謝罪求外鎮自效後都督江荆等州諸軍事辟殷浩參軍浩與  
褚裒皆識度清遠善談老易擅名江東而浩尤為風流所宗亮欲開  
復中原上疏請率大衆移鎮石城遣諸軍羅布江沔為伐趙之規蔡  
謨曰不能以大江禦蕪峻安能以沔水禦石虎乃詔亮不聽移鎮至  
是卒于武昌○晉封慕容皝為燕王自皝父為遼東公立皝為世子  
皝殺多權畧喜經術處卒皝立其下勸稱王皝使請于晉遂封之○  
帝在位十八年頗有勤儉之德改元者二曰咸和咸康崩二子丕奕



在襁褓帝母弟瑯琊王立是為康皇帝

康皇帝名嶽成帝臨崩以嶽為嗣遂即位○都督荆江等州軍事庾

翼為人慷慨喜功名不尚浮華殷浩才名冠立翼弗之重曰此輩宜

束之高閣俟天下太平徐議其任耳時人擬浩管葛同其出處以卜

興亡曰淵源不出當如蒼生何翼請浩為司馬不應翼以王夷甫嘲

之瑯琊內史桓溫豪爽有風采翼嘗薦之曰英雄之才宜委以方召

之任至是翼以滅胡取蜀為己任欲悉眾北伐移鎮襄陽詔翼都督

征討諸軍翼以溫為前鋒督漢主李壽卒子勢立○帝在位三年崩

改元者一曰建元太子立是為孝宗穆皇帝

孝宗穆皇帝名聃三歲即位會稽王昱輔政○庾翼卒以桓溫都督

荆梁等州軍事翼初表其子領荊州何充曰荆楚國之西門豈可以

白面少年當之桓溫英畧過人西任無出溫者丹陽尹劉惔知溫有

不臣之志謂昱曰溫不可使居形勝地昱不聽竟以溫代翼○漢主

李勢驕淫不恤國事桓溫帥師伐漢拜表即行進至成都勢降送建康

漢亡○燕王慕容皝卒子儁立○趙天王石虎稱帝尋卒于世立其兄

遵弒之而自立趙亂晉征討都督褚翼表請伐趙朝野以為中原指

期可復蔡謨獨以為莫若度德量力經營分表恐憂及朝廷哀遣將

果敗沒○趙蒲洪遣使降晉洪事趙累世至是石閔言於趙主遵曰

蒲洪人傑也今鎮關中恐秦雍非國家有遵罷洪都督洪怒歸枋頭

遂通于晉○涼州張重華自稱涼王初惠帝之在張軌為涼州刺史

威著西土懷帝陷沒軌遣兵助愍帝於長安帝以軌為涼州牧而平

公軌卒子寔立寔為妖賊所殺弟茂立趙主劉曜擊茂茂降趙茂卒寔

之子駿立茂臨終語駿必奉晉不可失駿雖復臣於後趙石勒耻之成  
帝時假道於趙以通晉駿卒子重華立晉遣使仍拜西平公重華自  
為王○後趙石鑑弑其主遵而自立石閔又幽鑑殺之而自立改國  
號曰魏殺虎三十八孫盡滅石氏閔姓冉為石氏所養至是復其姓  
後為燕所破執而殺之○蒲洪自稱三秦王改姓苻洪先擒趙將麻  
秋不殺而用其言因宴為秋所矯子健斬秋代領洪眾建入長安自稱  
秦天王已而稱帝○燕王烏稱帝○趙姚襄歸晉而復叛襄父弋仲  
南安赤亭羌酋也懷帝末戎夏被負隨之者數萬自稱扶風公其後  
服於前趙劉曜又事後趙石勒石虎虎甚重之以為冠軍大將軍虎  
死趙亂至冉閔滅趙弋仲遣使降晉弋仲卒襄率其眾來晉詔襄屯  
譙城後屯歷陽楊豫州都督殷浩在壽春惡襄強盛遣將襲之為襄

所斬先是朝廷聞中原大亂復謀進取浩受任連年北伐無功至是  
率諸軍再舉襄伏甲邀之浩至山桑襄縱擊浩大敗走○涼張重華  
卒子曜靈立其下廢之而立張祚○晉桓溫因殷浩之敗請廢浩免  
為庶人朝廷初以浩抗溫浩廢自此內外大權一歸溫矣浩雖愁怨  
不形辭色嘗書空作咄咄怪事字久之郝超勸溫處浩令僕以書告  
之浩欣然答書慮有誤開閱十數竟達空函溫大怒遂絕卒於謫所  
○桓溫帥師伐秦大敗秦兵于藍田轉戰至灊上秦主苻健閉長安  
小城自守三輔皆來降溫撫諭居民使安堵民爭持牛酒迎勞男女  
夾路觀之耆老有垂泣者曰不圖今日復覩官軍北海王猛字景畧  
儻有大志隱居華陰聞溫入關被褐謁之捫蝨而談當世之務旁  
若無人溫異之問猛曰吾奉命除殘賊而三秦豪傑未有至者何也

猛曰公不遠數千里深入敵境今長安咫尺而不渡灃水百姓未知  
公心所以不至温默然無以應温與秦兵戰于白鹿原不利秦人清  
野温軍乏食欲與猛俱還猛不就○秦王健卒于生立○涼張祚淫  
虐被弒于玄靚立○姚襄降于燕北據許昌又攻洛陽桓温督諸軍  
討襄進至河上與襄屬登平乘樓北望中原歎曰使神州陸沈百年  
王夷甫諸人不得不任其責至伊水襄戰連敗而走温屯金墉諸  
陵置鎮戍而還襄將西圖關中秦遣兵拒擊斬襄襄弟萇以衆降秦  
○秦苻堅弒其君生自立為秦天王有薦王猛於堅者一見如舊自  
謂如玄德之於孔明一歲中五遷官舉異才修廢職課農桑恤困窮  
秦民大悅○燕王慕容皝卒子暉立○晋桓温以謝安為征西司馬  
安少有重名前後徵辟皆不就士大夫相謂曰安石不出如蒼生何

年四十餘乃出○帝在位十七年崩改元者二曰永和升平無嗣成  
帝子瑯琊王立是為哀皇帝  
哀皇帝名丕即位二年而寢疾又一年而崩改元者二曰隆和興寧  
弟瑯琊王立是為帝奕  
帝奕名奕成帝之幼子也既即位以會稽王昱為丞相○桓温自哀  
帝時為大司馬都督中外諸軍事錄尚書事加揚州牧移鎮姑孰以  
郁超為參軍王珣為主簿人語曰髣參軍短主簿能令公喜能令公  
怒○燕人攻陷洛陽戍將死之温帥師伐燕戰于枋頭大敗而還○  
燕慕容垂既擊破晋軍威名日盛燕王忌之垂奔秦○秦王猛督諸  
軍伐燕遂圍鄴秦王苻堅入鄴執燕王慕容暉以歸○晋桓温陰蓄  
不臣之志嘗撫枕歎曰男子不能流芳百世亦當遺臭萬年欲先立

功還受九錫及枋頭之敗威名頓挫都超勸温行伊霍之事以立太  
威權温遂入朝自太后廢帝在位六年改元者一日太和會晉王立  
是為簡文皇帝

簡文皇帝名昱元帝子也清惠寡欲尤善女書桓温迎即位九月  
而不豫急召桓温入輔如諸葛武侯王丞相故事温望帝臨終禪位  
否即居攝不副所望時謝安王坦之在朝温疑坦之安沮其事心甚  
銜之帝在位改元者一日咸安太子立是為烈宗孝武皇帝  
烈宗孝武皇帝名昌明年十歲即位○桓温來朝詔謝安王坦之迎  
于新亭都下洵洵云欲誅王謝因移晉祚坦之甚懼安神色不變温  
既至百官拜于道側温大陳兵衛廷見朝士坦之流汗沾衣倒執手  
板安從容就席謂温曰安聞諸侯有道守在四鄰明公何須壁後置

人邪温笑曰正自不能不爾遂命撤之與安笑語移日都超臥帳中  
聽其言風動帳開安笑曰都生可謂入幕之賓矣温有疾還姑孰疾  
篤諷求九錫安坦之故緩其事尋卒○秦丞相王猛卒秦主堅樂之  
曰天不欲使吾平一六合邪何奪吾景畧之速也猛臨終謂堅曰晉  
雖僻處江南然正朔相承上下安和臣沒之後願勿以晉為圖鮮卑  
西羌我之仇敵終為人患宜漸除之以安社稷○凉降于秦先是張  
玄靚之叔父天錫殺玄靚而自立天錫荒于酒色政亂秦伐之兵至  
姑臧天錫面縛出送長安○代王拓跋什翼犍世子寔早卒繼嗣未  
定庶長子遂殺其諸弟併殺什翼犍會秦兵擊代部衆逃潰國中  
亂秦主苻堅分代為二部自河以東屬代南部大人劉庫仁自河以  
西屬匈奴劉衛辰使統其衆代世子寔之子珪尚幼母賀氏以珪走

依賀訥已而依庫仁庫仁奉珪恩勤不以廢興易意○晉以秦人強  
 盛為憂詔求良將可鎮禦北方者謝安以兄子玄應詔郝超數之曰  
 安之明乃能違眾舉親玄才不負所舉吾嘗見其使才雖履履間味  
 嘗不得其任玄鎮廣陵得劉牢之等為參軍戰無不捷號北府兵敵  
 人畏之○秦遣兵分道寇晉陷諸郡執襄陽刺史朱序以歸已而議  
 大舉或謂晉有長江之險堅曰以吾之眾投鞭於江可斷其流時中  
 外皆諫惟慕容垂姚萇欲乘其釁勸之南伐堅遂發長安戍卒六十  
 餘萬騎二十七萬晉以謝石為征討大都督謝玄為前鋒都督督眾  
 八萬拒之劉牢之帥精兵五千趨洛澗直渡水擊秦前鋒梁成斬之  
 石等水陸繼進堅登壽陽城望見晉兵部陣嚴整又望見八公山草  
 木皆以為晉兵憮然有懼色秦兵逼肥水而陣玄使人謂曰移陣小

却使我兵得渡以決勝負可乎堅欲聽晉兵半渡蹙之麾兵使却秦  
 兵還不可復止朱序在陣後呼曰秦兵敗矣遂潰玄等乘勝追擊秦  
 兵大敗走者聞風聲鶴唳皆以為晉兵至堅狼狽還長安○慕容垂  
 叛秦起於河內自稱燕王○姚萇叛秦起於北地自稱秦主是為後  
 秦○慕容冲叛秦起兵平陽稱帝是為西燕攻長安秦主苻堅出奔  
 後秦主萇執而弑之○晉太保謝安卒安文雅過王導有德量方秦  
 寇至朝野震動安夷然圍碁賭墅捷書至安方與客碁覽畢寘坐側  
 無喜色碁罷客問之徐曰小兒輩已遂破賊客去安入戶喜甚不覺  
 展齒折其矯情鎮物如此○秦主苻堅之子丕稱帝于晉陽○拓跋  
 珪復立為代王先是劉庫仁為其所殺弟頭眷代領其眾庫仁之  
 子顯殺頭眷而自立又欲殺珪珪奔賀蘭部依其舅諸部大人推珪

為生遂即王位。徙居盛樂。後改稱魏。○燕王垂稱帝于中山。○兩燕人弒其主冲立段隨。又殺隨立慕容忠。又殺忠立慕容永。永擊秦主苻丕。丕敗南走。為晉將軍。遂擊殺之。慕容永稱帝於長子。○秦疏族苻登稱帝於南安。○後秦姚萇先是已入長安。稱帝。苻登引兵數與後秦戰。互有勝負。○後秦主姚萇卒。子興立。擊登殺之。○燕主垂擊西燕。拔長子殺西燕主永。○燕王垂卒。子寶立。○自苻堅之敗。中原大亂。其大者慕容氏。姚氏。迭舉大號。其乘時而起。如秦故臣呂光據涼州。稱涼天王。鮮卑乞伏國仁據隴右。稱西秦主。國仁卒。弟乾歸繼之。後又有鮮卑秃髮烏孤起河。西號南涼。○晉自敗秦。以後江左無事。會稽王道子為政。帝嗜酒流連而已。長星見。帝舉酒向之。曰。長星勸汝一杯酒。世豈有萬年天子邪。○張貴人年三十。寵冠後宮。醉中戲

之曰。汝以年亦當廢矣。貴人使婢蒙其面而弒之。在位十五年。改元者二。曰寧康。太元。太子立。是為安皇帝。安皇帝名德宗。幼不慧。口不能言。寒暑飢飽不辨。飲食寢興皆非己出。既即位。會稽王以太傅輔政。○魏王拓跋珪連歲攻燕。進圍中山。燕主慕容寶出奔。後為其下所弒。○燕慕容祥稱帝。慕容麟襲殺祥而自立。魏王珪破麟走之。麟奔慕容德。為德所殺。德往據廣固。後稱帝。是為南燕。○燕慕容盛稱帝於龍城。是為北燕。○魏王珪稱帝都平城。○涼段業稱涼王。據張掖。是為北涼。○晉會稽王道子專以政事委世子元顛。晉政亂。東土竄然。妖賊孫恩因民心騷動。自海島出。作亂。劉裕因討恩有功而起。○北涼沮渠蒙遜弒段業而自立。蒙遜匈奴之種也。後遷姑臧。○涼王呂光卒。子紹立。庶兄纂弒而代之。呂

超又弑其而立其兄隆隆後降秦而涼亡○隴西李嵩據熒煌是為西涼後徙酒泉○柔然起於漠北奪高車之地而居之吞併諸部士馬繁盛雄於北方其地西至焉耆東接朝鮮南臨大漠旁小國皆屬與魏為敵○晉盜孫恩為劉裕等所敗赴海死其黨盧循徐道覆復起○晉桓玄反初玄兩父溫為南郡公負其才地以雄豪自處嘗守義興歎曰父為九州伯兒為五湖長棄官歸國後為江州刺史尋都督荆江等八州軍事據江陵至是舉兵入建康殺元顯又殺道子玄為相國封楚王加九錫已而迫帝禪位劉裕起兵於京口討玄與玄兵戰大破之玄出走斬首於江陵帝復位劉裕鎮京口○秦赫連勃勃叛秦據朔方自稱大夏天王勃勃故匈奴劉衛辰之子也○晉伐南燕先是南燕主慕容德卒兄子超立侵畧晉邊劉裕抗表伐

之○北燕為其臣馮跋所滅先是北燕主盛為其下所弑叔父熙立跋得罪於熙弑之而立熙之養子高雲味幾又弑雲而自立○魏主殺人之夫而納其妻與之生子紹光狼無賴弑珪齊王嗣殺紹而立珪道武皇帝廟號烈祖○晉劉裕拔廣固執慕容超送建康斬之南燕亡○盧循乘劉裕北伐出自番禺直下襲建康劉裕被徵急還諸軍力戰循乃退裕追破之循走交州為刺史所敗斬首送建康○西秦乞伏韓歸為其下所弑子熾盤立○西秦乞伏熾盤所襲以主禿髮烏孤卒弟利鹿孤立卒弟俟檀立至是為乞伏熾盤所襲以俟檀歸殺之南涼亡○後秦主姚興卒子泓立晉大尉劉裕伐之秦彭城由洛陽道武關潼關入長安泓敗出降送建康斬之後秦亡○夏主勃勃聞裕伐秦曰裕必取關中然不若久留若以子弟諸將守

之吾取之如拾芥耳至是三秦父老聞裕將還詣門流涕曰殘民不  
露王化於今百年初親衣冠人人相賀公捨此欲何之乎裕還彭城  
勃勃陷長安稱帝歸統萬○晉以裕為相國宋公加九錫裕以謙云  
昌明之後尚有一帝乃使人繼晉帝弒之帝在位二十三年改元者  
二曰隆安義熙義熙元年至十四年則劉裕為政之日也弟瑯琊王  
立是為恭皇帝

恭皇帝名德文即位之明年劉裕進爵為宋王自彭城移鎮壽陽又  
明年裕遷建康帝在位改元者一曰元熙禪位于裕已而被弒東晉  
自元皇帝至是九十一世一百四十四年西晉東晉通一百五十六年而  
亡

南北朝

南朝自晉以傳之宋宋傳之齊齊傳之梁梁傳之陳陳北朝自諸國  
併於魏魏後分為西魏東魏東魏傳北齊西魏傳後周後周  
併北齊而傳之隋隋滅陳然後南北混為一今以南為提頭  
而附北於其間

宋

宋高祖武皇帝姓劉氏名裕彭城人也相傳為漢楚元王交之後裕  
生而母死父備居京口將棄之從母救而乳之及長勇健有大志僅  
識字小字寄奴嘗行遇大蛇擊傷之後至其所見有群兒搏藥裕問  
何為答曰吾王為劉寄奴所傷裕曰何不殺之兒曰寄奴王者不死  
裕叱之即散不見初參劉牢之軍事嘗遣規賊遇賊數千人裕奮長  
刀獨驅之衆軍因乘勢進擊大破之裕由是知名其後為將相二十



餘年誅桓玄平孫恩盧循滅南燕後秦平定晉禪○西涼李暠卒謚曰武昭王子歆立數年至是為北涼沮渠蒙遜誘與戰殺之西涼亡○宋主在位三年改元者一曰永初殂太子立是為廢帝榮陽王廢帝榮陽王名義符年十七即位居喪無禮遊戲無度○魏主嗣殂謚明元皇帝廟號太宗子焜立○宋主在位三年改元者一曰景平徐羨之傅亮謝晦廢而弑之宣都王立是為太宗文皇帝○文皇帝名義隆素有令望少帝廢迎入即位○夏王勰殂子昌立○晉徵士陶潛卒潛字淵明潯陽人侃之曾孫也少有高趣嘗為彭澤令八十日郡督郵至吏曰應束帶見之潛歎曰我豈能為五斗米折腰向鄉里小兒即日解印綬去賦歸去來辭著五柳先生傳徵不就自以先世為晉臣自宗高祖王業漸隆不復肯仕至是終世號靖節

先生○魏數與夏戰至是執其主昌以歸○夏赫連定稱帝於平涼○西秦主乞伏熾盤卒子暮末立○北燕馮跋殂弟弘立○夏主定擊西秦以暮末歸殺之西秦亡定又擊北涼欲奪其地吐谷渾襲其軍執定送魏夏亡吐谷渾者慕容氏之別種也○北涼沮渠蒙遜卒子牧犍立○宋謝靈運以罪誅靈運好為山澤之遊從者數百人伐木閉徑百姓驚擾或表其有異志為臨川內史有司糾之被收靈運與兵逃逸作詩曰韓亡子房奮秦帝魯連耻追討擒之徙廣州已而棄市○魏伐燕馮弘奔高麗而被殺燕亡○魏伐涼姑臧潰牧犍降後被殺北涼亡○魏殺其司徒崔浩浩自魏元時已為謀臣輒有功信道士冠誅之勸魏主崇奉立太師道場而最惡佛法誅沙門毀佛像佛書魏主命浩修國史書先世事皆詳實刻石立之橫路北人忿

志諸浩影揚國惡魏帝大怒遂索誅之○宋魏連年互相侵  
伐王玄謨勸宋大舉滅魏之謀曰昨當問魏今欲伐國秦  
何與白面書生謀之宋竟遣玄謨出師取碭碭進圍滑臺先是魏主  
聞宋取河南怒曰我生髮未燥已聞河南是我地今天時尚熱姑飲  
成北歸俟河水合以鐵騎蹂之至冬魏主自將渡河衆踰百萬鞞鼓  
之聲震天地玄謨懼走魏人追擊玄謨敗走魏帝引兵南下直至瓜  
步聲言欲渡江建康震懼民皆荷擔而立宋主登石頭城北望歎曰  
檀道濟若在豈使胡馬至此道濟立功前朝老於用兵先是以護被  
取目光如炬脫幘投地曰乃壞汝萬里長城既誅魏人聞之喜曰吳  
子輩不足復憚至是長驅無能禦者宋人或欲斬玄謨沈慶之止之  
曰佛狸威震天下控弦百萬豈玄謨所能當殺戰將以自弱非計也

魏師還殺掠不可勝計丁壯者斬截嬰兒貫槩上盤舞所過赤地春  
燕歸巢於林木自宋主即位二十八年間號為小康至是兵革之後  
邑里蕭條元嘉之政衰矣○魏中常侍宗愛譖東宮官屬多坐誅死  
太子晃以憂卒魏主追悼不已愛懼弒主後謚曰太武皇帝廟號世  
祖晃之子濬立討愛誅之○宋太子劼巫蠱咒詛事覺宋主擬廢之  
劼弒主而自立主在位三十年改元者一曰元嘉武陵王舉兵誅劼  
王立是為世祖孝武皇帝  
孝武皇帝名駿即位十二年殂改元者二曰孝建曰大明太子立是  
為廢帝

廢帝名子業即位居喪傲惰無威容孝武疎忌骨肉多誅殺至是尤  
甚○魏帝濟祖謚曰文成皇帝廟號高宗初太武經營四方國頗虛

耗文成嗣以鎮靜懷集中外人心復安于弘立○宋主畏忌諸父湘東王等幽於殿內推曳無復人理恣為不道中外駭然宋人弑之在位二年改元者一曰景和湘東王立是為太宗明皇帝

明皇帝名彧即位八年殂改元者一曰泰始自帝之初蕭道成將兵征討有功尋鎮淮陰收養豪俊賓客始盛已而為南兖州刺史至是

褚淵薦為右衛將軍與顧命大臣共掌機事太子立是為後廢帝

後廢帝名昱明帝無子昱實嬖人李道兒之子也明帝子之殺諸王

十五六人惟恐昱之不立十歲即位桂陽王休範舉兵反改建康蕭

道成擊斬之道成為中領軍○先是魏獻文帝私傳位於太子宏自

稱太上皇帝以宏幼仍總萬機太上聽睿夙成剛毅有斷而好黃老

浮屠之學故常有遺世之意其母馮太后有所幸李爽為太上所誅

馮太后怒遂殺之而稱制宋主驕恣嗜殺中外憂惶蕭道成與袁粲

褚淵謀廢立祭不可淵贊之遂弑之在位六年改元者一曰元徽安成王立是為順皇帝

順皇帝名準桂陽王休範子也明帝子之至是即位○宋袁粲謀誅

蕭道成褚淵以其謀告道成祭父子俱被殺於石頭城百姓哀之曰

可憐石頭城寧為袁祭死不作褚淵生沈攸之亦舉兵江陵討道成

軍潰走而縊死道成為相國齊公加九錫已而進爵為王宋主在位

三年改元者一曰昇明禪于齊泣而彈指曰願後身世世勿復生天

王家齊弑之而滅其族自宋高祖至是八世凡五十九年而亡

齊

齊太祖高皇帝姓蕭氏名道成蘭陵人也相傳為漢相國何之後深

沈有大量博學能文肩有赤誌如日月狀宋時在軍中久民間或言

其有異相宋疑之而不能殺也竟代宋性清儉每曰使我治天下十年當使黃金同土價在位四年殂改元者一曰建元太子立是為世

祖武皇帝

武皇帝名贖即位十一年殂改元者一曰永明太子長懋己卒太孫

立是為廢帝鬱林王

廢帝鬱林王名昭業即位一年改元曰隆昌西昌侯鸞弑之新安王

立是為廢帝海陵王

廢帝海陵王名昭文為鸞所立改元延興鸞自為宣城王帝即位未

四月廢而弑之宣城王自立是為高宗明皇帝

明皇帝名鸞高帝之兄子也高帝愛之過於己子而武帝之太子長

懋最惡之及得志殺高武子孫無遺類即位五年殂改元者二曰建

武永泰太子立是為廢帝東昏侯

廢帝東昏侯名寶卷自在東宮不好學嬉戲無度既即位不接朝士

惟親信嬖倖屢誅大臣○魏主宏殂在位二十七年仁孝恭儉制禮

作樂蔚然有太平之風禁胡服胡語改姓元氏遷都洛陽為魏威德

之主蓋曰孝文皇帝廟號高祖太子恪立○齊主昏淫狂恣所幸潘

妃以金為蓮花帖地上使步之曰此步步生蓮花也左右用事賊虐

日甚大尉陳顯達先舉兵襲建康敗死將軍崔慧景受命出討判州

還兵逼建康時南豫州刺史蕭懿將兵在近齊主急召入援慧景敗

死以懿為尚書懿弟南雍州刺史行使人勸懿行伊霍故事不尔亟

還歷陽懿不能用竟賜死行起兵襲陽引而東圍建康齊人弑主而

迎行主在位三年改元者一曰永元時南康王先己自立是為和皇

帝

和皇帝名寶融東昏未寶融起兵於江陵已而稱帝改元曰中興未及東歸齊太后稱制以蕭衍為相國封梁公加九錫尋進爵為王齊主至姑孰詔禪于梁即位僅一年被弒齊自高帝至是七世凡二十三年而亡

梁

梁高祖武皇帝姓蕭氏名衍齊之疎族也母張氏見曹蒲生花旁人皆不見吞之已而生衍英達有文學東昏初衍鎮襄陽知齊將亂乃密修武備聚驍勇以萬數伐材沈檀溪積薪如岡阜兄懿死衍建牙集衆出檀溪竹木裝艦葺之以節事皆立辨兵起一年餘遂入建康受禪即帝位○魏主恪祖益曰宣武皇帝廟號世宗子詡立甫六歲母

卷之四

卷之四

胡氏稱制及魏主既長好遊騁不親視朝而胡后方淫亂魏政始亂將軍張彞之子仲瑀上封事排抑武人宣誘盈路立榜大巷剋期會集屠其家彞父子不以為意至是羽林虎賁近千人相率至尚書省詬罵以瓦石擊省門上下擗懼不敢禁詔遂至彞第焚其舍彞父子毆擊投火中仲瑀重傷走免彞死遠近震駭胡后收其凶強八人斬之餘不獲治大赦以安之懷朔鎮西使高歡至洛陽見張彞之死還家傾貲以結客或問其故歡曰宿衛相率焚大臣之第朝廷懼而不問為政如此事可知矣財物豈可常守邪歡自先世坐法徙北邊遂習鮮卑之俗沈深有太志與侯景等相友善以任俠雄鄉里○魏胡太后臨朝以來嬖倖用事政事縱弛盜賊叢起封疆日蹙魏主詔寢長太后自知所為不謹務為壅蔽母子嫌隙日深時六州大都督

南史卷之四

十九

秀容酋長爾朱榮兵強高歡見榮即斬舉兵清帝側會魏主珽胡太后  
后嬖之也後益曰孝明皇帝爾朱榮舉兵立孝文之姪長樂王子攸  
沈胡后于河封榮太原王還晉陽北海王顥奔梁梁立之遣將送入  
洛陽于攸出奔爾朱榮渡河來救顥走死于攸歸加榮天柱大將軍  
榮蓄不臣之志魏主陰謀誅榮榮入手刺之爾朱世隆與爾朱兆立  
宗室長廣王暉入洛陽于攸遇弒後益曰孝莊皇帝世隆又暉疎  
遠廢之立孝文之姪廣陵王恭高歡起兵誅爾朱氏入洛陽廢恭而  
立孝文之孫平陽王脩脩弒恭後益曰節閔皇帝高歡為太丞相建  
府於晉陽居之魏主畏歡謀伐晉陽歡擁兵來魏主奔長安依關西  
大都督宇文泰以泰為大丞相歡追魏主不及遂立清河王世子善  
見於洛陽遷于鄴魏自道武至是十二世一百四十九年而分為東

魏西魏○先是榮惑入南斗梁主曰榮惑入南斗天子下殿走乃既  
下殿獲之及聞脩出奔慙曰虜亦應天象邪脩至長安踰半年又與  
泰有隙泰鳩之後益曰孝武皇帝孝武既遇弒泰立南陽王寶炬歡  
與泰連年相攻戰互有勝負歡卒遺言囑其子澄曰侯景有飛揚跋  
扈之志非汝所能御堪敵景者惟慕容紹宗景果以河南降西魏未  
幾後附于梁梁封景為河南王景使至梁梁群臣皆不欲納梁主亦  
自謂我國家如金甌無一傷缺恐納景因以生事惟朱異力勸納之  
東魏遣慕容紹宗擊景景敗南走襄梁壽春據之請命梁就以為南  
豫州攸既而東魏求成於梁意欲得景景恨梁通東魏遂反於壽陽  
引兵南渡圍建康梁主自即位以來江左久無事惟崇佛法屢捨身  
佛寺上下化之及景逼臺城援兵至者為景所敗梁主遣人與景盟

以為大丞相臺城受圍五月而陷景入見引就三公位梁主神色不  
變謂景曰卿在軍中久母乃為勞景不敢仰視流汗不能對景退謂  
人曰吾常跨鞍對陣矢石交下了無怖心今見蕭公使人自留豈非  
天威難犯吾不可以後見此人梁主為景所制飲膳亦被裁損憂憤  
成疾口苦味酸不得再曰荷々遂殂在位四十八年改元者七曰天  
監普通大通中大通大同太清壽八十先太子統仁明  
孝儉好學有文在東宮三十年而終梁主舍嫡孫而立別子至是即  
位是為大宗簡文皇帝

簡文皇帝名綱在東宮十八年而後遇侯景之亂既立受制於景而  
己湘東王繹鎮江陵自稱假黃鉞大都督中外諸軍承制岳陽王啓  
昭明太子統之第三子也鎮襄陽與繹相攻啓遣使降于西魏以求

卷之四

援○東魏大將軍渤海王澄先是為其下所殺弟洋為丞相封齊王  
通東魏主禪位尋弒之謚曰孝靜皇帝東魏建國一十七年而亡○

西魏立梁蕭詵為梁主○西魏主寶炬殂謚曰文皇帝太子欽立○  
侯景自立為漢王廢梁主弒之尸位不及三年改元者一曰大寶景

立豫章王棟己而其位先是始興太守陳霸先起兵討景相東王遣  
王僧辯討景景其數月而為僧辯霸先所敗亡走吳欲入海為其下  
所斬送尸建康傳首江陵截其手足送於北齊湘東王立是為元皇

帝

元皇帝名暉一目眇性殘忍即位于江陵自侯景之亂州郡大半入

西魏蜀亦為魏有梁自己陵以下至建康以長江為限○突厥攻柔

然北齊擊突厥遷柔然是時柔然衰突厥始強大○西魏宇文泰廢

南北史

卷之四

七

其主欽而立其弟廓欽遇弒。西魏遣柱國于謹伐梁入江陵。梁主  
焚古今圖書十四萬卷。數曰文武之道。今夜盡矣。乃出降。或問何意。  
焚書曰。讀書萬卷。猶有今日。尋被殺。在位三年。改元者一曰承聖。○  
西魏取襄陽。徙梁主譽于江陵。使稱帝。屯兵守之。是為後梁。臣于西  
魏。王僧辯陳霸先奉晉安王稱制于建康。真陽侯淵明先是為北齊  
所獲。至是以兵納之。王僧辯奉歸建康。稱帝。陳霸先殺僧辯。廢淵明  
立晉安王。是為敬皇帝。

敬皇帝名方智。元帝子也。年十三即位。陳霸先為丞相。○西魏太師  
大冢宰安定公宇文泰卒。世子覺嗣。年十五。宇文護輔之。未幾以覺  
為周公。○西魏主廓禪于周。廓遇弒。後謚曰恭皇帝。西魏建國四世。  
二十四年而亡。覺稱周天王。性剛果。惡護之專護。弒之。後謚曰孝閔。

皇帝立泰之長子毓。○梁丞相陳霸先為相國。封陳公。加九錫。尋進  
爵為王。梁主改元者二曰紹泰。曰太平。尸位未三年而禪于陳。尋遇  
弒。梁自高祖武帝至是四世。凡五十六年而亡。

陳

陳高祖武皇帝。姓陳。名霸先。吳興人也。梁武帝大同中。為廣州參軍。  
廣有亂。討平之。以功為將軍。尋為交州司馬。西江都護。高要太守。督  
七郡諸軍。屢平寇亂。候景陷臺城。霸先時守始興。結郡中豪傑起兵。  
討景。先取江州。為州刺史。引兵會諸軍。卒以平景。遂為將相。於梁以  
至受禪。即位三年。殂。改元者一曰永定。子二人。昌項皆以江陵陷時  
沒入長安。臨川王立。是為世祖文皇帝。

文皇帝名蒨。武帝之兄子也。在武帝平梁亂時已有功。至是即位。



周王毓稱帝。○北齊主洋盡滅元氏之族。洋殂。謚曰文宣皇帝。○周宇文護憚周帝明敏有識量。進毒弑之。謚曰明皇帝。毓弟邕立。○北齊文宣帝之母弟常山王演廢其主殷而自立。尋弑殷。演立一年而殂。謚曰孝昭皇帝。母弟長廣王湛又廢演子百年而自立。後殺百年。○後梁主營祖太子歸立。○北齊主湛傳位於太子緯。自稱太上皇帝。○陳主起自難。難知民疾苦。性明察儉勤。在位八年。殂。改元者二。曰天嘉。曰天康。太子立。是為廢帝。臨海王廢帝臨海王名伯宗。在位三年。改元者一。曰光大。為安成王。項所廢。○北齊上皇湛殂。謚曰武成皇帝。○陳安成王自立。是為高宗。宣皇帝。宣皇帝名頊。初陷入長安。文帝時。周人送頊還陳。至是即位。○周主

邕。諱宇文護。始親政。○北齊後主緯多嬖寵。政亂。周伐齊。入鄴。執緯。歸殺之。夷其族。北齊建國五世三十年而亡。○周主邕深沉有遠識。政事嚴明。稱為賢主。滅齊一年而殂。壽三十六。謚曰武皇帝。太子費立。立皇后楊氏。后父隋公楊堅用事。為上柱國大司馬。費自為太子。時好昵近小人。立未一年。傳位於子闡。自稱天元皇帝。驕侈彌甚。未一年而殂。謚曰宣皇帝。楊堅自為大丞相。進相國。隋王加九錫。未幾周主闡禪位於隋。尋被弑。隋主盡滅宇文氏之族。周自稱帝。至是五世二十五年而亡。○陳主在位十四年。改元者一。曰大建。殂。太子立。是為後主。長城公。場公。後主長城。場公名叔寶。自為太子。與詹事江總為長夜之飲。即位未幾。起臨春結綺望仙閣。各高數十丈。連延數十間。皆以沉檀為之。金

玉珠翠為之飾珠簾寶帳服玩瑰麗近古未有其下積石為山引水為池雜植花卉陳主居臨春閣貴妃張麗華居結綺龔孔二貴嬪居望仙樓道往來江德為宰輔不親政事日與孔範等太士侍宴後庭謂之狎客使諸貴嬪與客唱和其曲有玉樹後庭花等君臣酣歌自夕達旦宦官近習內外連結宗戚縱橫貨賂公行孔範與貴嬪結為兄弟範自謂文武才能舉朝莫及將帥微有過失即奪兵權由是文武解赫以至覆滅○後梁主蕭瑄太子琮立隋主廢而滅之自晉稱帝於江陵臣於西魏用隋所統數郡而已凡三十三年而亡○隋以晉王廣為元帥帥師伐陳楊素韓擒虎賀若弼分道而出高穎為元帥長史問薛道衡江東可克乎對曰克之郭璞言江東分主三百年與中國合此數將周陳主聞有隋兵謂近臣曰王氣在此彼何為者孔

範曰長江天堦豈能飛渡臣每患官卑虜若渡江定作大尉公矣陳主以為然奏伎縱酒賦詩不輟賀若弼自廣漢渡江韓擒虎自橫江甯濟采石守者皆醉擒虎遂自新林進直入朱雀門陳主自投景陽井中軍人窺井將下石乃以繩引之與張麗華孔貴嬪同束而上俘以歸後主在位七年改元者二曰至德曰禎明陳自高祖武帝至是五世凡二十二年而亡

隋

隋高祖文皇帝姓楊氏名堅弘農人也相傳為東漢太尉震之後父忠仕魏及周以功封隋王堅生而有異宅旁有尼寺一尼抱歸自鞠之一日尼出付其母自抱角出鱗起母大驚墜之地尼心動亟還見之曰驚我兒致今晚得天下及長相表奇異周人嘗告武帝

普六茹堅有反相堅聞之深自晦匿女為周宣帝后周靜帝立堅以太后父秉政遂移周祚即位九年平陳天下為一開皇二十年廢太子勇為庶人初帝使勇參決政事時有損益勇性寬厚率意無矯飾帝性節儉勇服用侈恩寵始衰勇多內寵妃無寵死而多庶子獨孤皇后深惡之晉王廣彌自矯飾為奪嫡計后贊帝廢勇而立廣為太子○龍門王通詣闕獻太平十二策帝不能用罷歸教授於河汾之間弟子自遠至者甚眾○仁壽四年帝不豫召太子入居殿中太子預擬帝不諱後事為書問僕射楊素得報宮人譟送帝所帝覽之大恚帝所寵陳夫人出更衣為太子所逼拒之得免帝怪其神色有異問故夫人泣然曰太子無禮帝恚抵床曰畜生何足付大事獨孤謀我將召故太子勇廣聞之令右庶子張衡入侍疾因弒帝遣人縊殺

勇帝性嚴重勤於政事令行禁止雖嗇於財賞功不吝愛養百姓勸課農桑輕徭薄賦自奉儉薄天下化之受禪之初民戶不滿四百萬末年踰八百萬然自以詐力得天下猜忌苛察信受讒言功臣故舊無終始保全者在位二十四年改元者二曰開皇仁壽太子立是為

煬皇帝

煬皇帝名廣開皇末立為太子是日天下地震即位首營洛陽顯仁宮發江嶺奇石異石又求海內嘉木異草珍禽奇獸以實苑囿又開通濟渠自長安西苑引穀洛水達于河引河入汴引汴入泗以達于淮又發民開邗溝入江旁築御道樹以柳自長安至江都置離宮四十餘所遣人往江南造龍舟及雜船數萬艘以備遊幸之用西苑周二百里其內為海周十余里為蓬萊方丈瀛州諸山高百餘尺臺觀


宮殿羅路山上海北有渠縈紆注海緣渠作十六院門皆臨渠窮極華麗宮樹凋落剪絲為花葉綴之沼內亦剪絲為荷芰菱芡色逾則易新者好以月夜從宮女數千騎遊西苑作清夜遊曲馬上奏之○後又開永濟渠引沁水南達于河北通涿郡又營汾陽宮又穿江南河自京口至餘杭八百里○置洛口倉於鞏東南原上城周二十餘里穿三千窖置興洛倉於洛陽北城周十里穿三百窖窖皆容八千石帝或如洛陽或如江都或北巡至榆林金河或如五原巡長城或巡河右營造巡遊無虛歲徵天下鷹師至者萬余人徵天下散樂諸蕃來朝陳百戲於端門執絲竹者萬八千人終月而罷費巨萬歲以為常○徵高麗王入朝不至大業七年帝自將擊高麗徵天下兵會涿郡救河南淮南江南造戎車五萬乘供載衣甲等發河南河北民

夫供軍須江淮以南民夫船運黎陽及洛口諸倉米舳舻千里往還常數十萬人晝夜不絕死者相枕天下騷動百姓窮困始相聚為盜○漳南竇建德兵起○帝所徵四方兵皆集涿郡一百一十三萬餽運者倍之首尾五千餘里帝至遼東攻城不克諸軍大敗而還明年再徵兵自將擊之○楚公楊玄感見朝政日紊潛謀作亂至是督運黎陽遂反帝引軍還遣將擊之玄感自洛陽引兵趨潼關兵敗走死帝又如涿郡伐高麗高麗遣使請降帝還長安已而如洛陽如汾陽如江都巡遊仍無虛歲○蒲山公李密兵起密少有才畧志氣雄遠輕財好士嘗乘黃牛以漢書掛牛角讀之楚公楊素遇而奇之由是與素子女感游初從玄感起兵玄感敗密變姓名亡匿時人皆云楊氏將滅李氏將興又有民謠歌曰桃李子皇后走楊州宛轉花園裏

勿浪語誰道許謂桃李子者逃亡李氏子也莫浪語誰道許者密也  
 密遂與群盜翟讓等起攻滎陽下之建牙統所部西行說下諸城大  
 獲○鄱陽賊帥林士弘稱楚帝據江南○杜伏威據歷陽○竇建德  
 稱長樂王○馬邑校尉劉武周朔方即將梁師都各據郡起兵○李  
 密據興洛倉畧取河南諸郡稱魏公○突厥立劉武周為定陽可汗  
 取樓煩定襄雁門諸郡○梁師都取雕陰弘化延安等郡自稱梁帝  
 ○金城校尉薛舉起兵隴西自稱西秦霸王○武威司馬李軌起兵  
 河西自稱涼王○薛舉自稱秦帝徙據天水○蕭銑起兵巴陵自稱  
 梁王○唐公李淵起兵太原克諸郡入長安時隋大業十二年帝在  
 江都淵遙尊為太上皇而立代王是為恭皇帝  
 恭皇帝名侑煬帝之孫也年十三為李淵所立改大業十三年為義

寧淵為大丞相封唐王煬帝在江都淫虐日甚酒危不離口見中原  
 已亂無心北歸從駕多關中人思歸遂謀叛以許公宇文化及為主  
 夜引兵入宮縊殺煬帝宗室無少長皆死惟存秦王浩立之而自為  
 大丞相擁眾而西○梁蕭銑稱帝於江陵○隋帝侑即位半年禪于  
 唐隋自高祖至是三世凡三十七年而亡

十八史略卷之四終

This image shows a table with 12 columns and 1 row. The table is enclosed in a double-line border. The columns are of equal width and are completely empty. The table is positioned on the right side of the page, with a significant margin to its left. The overall appearance is that of a blank ledger or a table template.

